

四庫全書

史部

欽定四庫全書

江南通志卷九十

學校志

書院

江寧府

江寧府書院在上元縣治北舊為錢厰地

國朝雍正二年總督查弼納建顏曰鍾山書院檄選通
省士子肄業其中延師教訓月給廩餼

世宗憲皇帝

御書敦崇實學扁額賜之十年奉

旨省會建立書院

賜帑金一千兩復加葺治凡門二層堂二進樓二層兩旁
齋舍百餘間以帑金置田兼支存公銀兩為士子
膏火資使朝夕講誦以期成德達材

明道書院在江寧府鎮淮橋東北宋淳熙初留守
劉珙以程子顯嘗為上元簿祀之學宮嘉定間改

築新祠淳祐間郡守吳淵依白鹿洞創建理宗賜
明道書院額元圮明嘉靖初御史盧煥即今址為
書院祀程子其中歲久復傾

國朝康熙六年知府陳開虞同推官謝銓倡修復舊制
南軒書院在府城天禧寺方丈後本宋張栻講習
之地真德秀建祠祀焉至元中遷於城東大德元
年重建舊地今圮

文昌書院在江寧府學成賢街原國子監文昌閣

也明萬厯間助教許令典創建

國朝順治十七年學博朱謨同學生白夢鼎等重修建坊申請額曰文昌書院以為讀書講學之所

崇正書院在府治北清涼寺東明嘉靖間督學耿定向建并有學田後無考

新泉書院在府治長安街明嘉靖間禮部侍郎湛若水建置田數頃以延四方之士後圯

江東書院在府治鹽倉街元郡人王進德創建南

臨秦淮吳澄嘗於其中講授從受業者甚衆泰定元年定額曰江東書院今無存

昭文書院在江寧縣湖孰鎮梁蕭統宴遊之地有東湖讀書臺宋咸淳中方拱辰扁曰昭文精舍元至元中定額昭文書院今無存

白馬書院在江浦縣東門外白馬寺左明知縣李維樾講學處今廢門額尚存

新江書院在江浦縣南門外祀明莊景南京禮部

尚書湛若水建為文會之所

虹橋書院在府廬妃巷

國朝康熙二十一年督院于成龍建檄上下江知名士肄業其中一時稱盛

蘇州府

蘇州府書院在府學尊經閣後

國朝康熙五十三年巡撫張伯行建為士子肄業之所

崇祀朱子其中顏曰紫陽書院

附張伯行記

文學
歲終

東南自古然矣蓋自延陵季子聘魯觀樂辨六代
升降之繇瞭如指掌及言氏受業於聖門而論者
以為南方之學得其精華厥後文物聲名甲於海
內英才蔚興代有其人彬彬乎久稱強盛我
皇上御極五十二年中間以文章大魁天下者三吳之士
居大半而臺衡碩望侍從清班贊太平而襄盛治
者繼踵而起此固沐浴乎先王之流風餘韻而孰
非

聖朝禮樂教化之所漸摩也不佞忝膺
簡命撫臨茲土數載於茲夙夜兢兢方懼無以宣上德而

達下情竊自念弁陋不文株守章句無能從諸君
子後窺觀文學之藩籬顧幸生大道昌明之會仰
見我

皇上學術淵源於二帝三王孔曾思孟之道靡不兼綜條
貫復加意表章演洛闢閩數大儒尤以朱子為集
諸儒之大成而升之於十哲之列

聖明特見誠前古後今之所莫及也昔聖門四科文學

居一當時游夏二子已不能無少異同及至後世

尊德性道問學兩家分門幾成聚訟而朱子之道
迭明迭晦於五百年之間惟我

欽

皇上躬行心得獨深信朱子之道明即二帝三王
定紫陽全書以教天下萬世朱子之道明即二帝三王

孔曾思孟之道無不明矣然則學者之所以為學
教者之所以為教其可不以紫陽為宗乎哉不佞
竊以三吳文學淵藪先賢風化於今猶有存者而
後進傳習離而不貫或務華而離其實或求精而
入於虛所謂文學者殆非聖門之文學也故樂與
多士恪遵

聖教講明朱子之道而身體之此紫陽書院之建所以
不能已也通經之營之地處於學宮之旁材取於
僧廬之毀工成於農隙之餘中為崇祀紫陽夫子
之堂而旁為諸生講學藏修之舍庑廡溫浴廡不

畢具經始於癸巳之冬落成於甲午之春暨茲丹
藏翼翼嚴嚴諸生來學於其中者亦知所以為學
之方乎夫武城最爾下邑耳子游以禮樂為教而
弦歌之聲溢於境內至動聖師莞爾之喜余於是
知學道之為益大哉況今
天子建中和之極明禮樂以淑人心而三吳文學之盛
又非他州所可比諸生其可不仰追先賢而以學
道為務耶夫宣揚教化以仰佐
上成人材厚風俗至意者不佞事也因紀書院建立之
由而推明其意以誌學者

雍正二年江蘇布政使鄂爾泰重為修葺增廓其
制徵七郡之士弦誦其中間以政暇聚於春風亭
親與唱和士風一時振起刻有南邦黎獻集二種

一制義一
古文詩賦

鄂陞任後士庶於書院旁構堂顏為西

林氏講學處十年奉

旨建立書院即於此重加整理書院中舊有田三百畝

欽賜帑金一千兩置田以資膏火為永久計

學道書院初在府城東北隅宋元舊址皆廢明嘉

靖二年知府胡纘宗因景德寺改作書院以祀言

子後為講堂堂後為弦歌樓兩廡各五十楹扁曰

東南鄒魯後改為督糧道署遷書院於社學

文正書院在府雍熙寺後宋咸淳間郡守潛說友立祠以祀范仲淹元至正六年總管吳秉彝改祠為書院舉其族之嫡嗣奉祀明成化間重修

國朝兩江總督范承勲大為修整建先憂後樂石坊於門外

鶴山書院在府南宮坊內宋參知政事魏了翁之賜第也理宗親書鶴山書院四字題額明嘉靖九年知府李顯移建書院於巡撫行臺之左

金鄉縣志 卷九
國朝康熙二十四年巡撫湯斌捐俸重修

金鄉書院在府西市坊內宋贈澹臺子羽為金鄉侯故名嘉靖二年知府胡纘宗建有正大堂分翼左右廡庭中有兩亭萬厯初圯崇禎九年巡撫張國維復建

澹臺書院在長洲縣尹山巔宋尹焞讀書之所明練廩設義塾其中後圯

國朝康熙中里紳彭定求疏募重建雍正初落成

和靖書院在長洲縣界宋尹焞讀書虎邱西庵題
齋曰三畏端平二年胡淳曹幽奏立書院以祀焞
後祀嘉靖初知府胡纘宗以龍興寺復改為書院
甫里書院在長洲縣治東唐陸龜蒙故宅元元統
二年裔孫德源請以己貲建書院設山長主教事
後祀

玉峯書院在崑山縣馬鞍山南麓先儒狀元衛涇
藏修於此趙孟頫書額

文學書院初在常熟縣醋庫橋東元至順間巨室
曹善誠建以祀子游闢講堂設師弟子員而額之
曰文學書院至正末燬於兵明宣德元年知縣郭
世南改建於儒學西巡撫周忱更其名曰學道尋
又圮嘉靖時知縣王杲改建虞山麓西北與墓近

表曰南方精華

附

瞿景淳記

永嘉王公治常熟之
二年己丑政修民和

百廢具興學宮之左有吳公祠公既展謁因嘆曰
嗟乎茲固先賢吳公之鄉也國家方以文學造士
今僅有祠而書院不立造士之制無乃缺諸且當
傷哉覽額有書院則茲為吳公之鄉而獨缺焉同

有司之事也乃相地於邑治之西得廢園一區介
兩憲院間西枕山麓顧瞻則吳公之墓在焉公曰
可矣乃白之按院溫公溫公極是之首發贖銀若
千助其役公乃度基址計丈尺具材用卜日興工
其地南阻民居乃東闢為書院門內稍虛其南
為垣達北折為門表曰南方精華言南方學肇吳
公也門內為池樹以棹楔表曰洙泗淵源言吳公
之道本洙泗也又進為學道堂揭示遺訓俾士民
知所興也堂北為祠門中建祠宇旁翼以亭自非
瞻禮門不輕啟明有敬也堂之左右稍北則對立
書樓稍南則對立號舍各蔽以牆出入有門升降
有階士之肄業其中而升堂問難者有過廊翼士
或得雷時雨之教也既成以復溫公且具圖示余
俾余記之余淺陋何能為役然余有感焉自吳公
興起斯文俾吾濱海之民皆獲興知夫子之道強
誦之聲與鄒魯並真有大造於學者吳公故有專

祠然僕客祖豆而不足以聚生徒則崇教之道未備也今書院之立奉祀有祠講道有堂藏書有樓肄業有舍規制宏敞真足以報吳公之德而慰吾人景行之思矣余獨念今之以文學名者或有異於吳公也吳公之在孔門進退以禮深達先王制禮之微一時若曾子子夏咸推之試用於武城弦歌之風洋洋焉夫子至為莞爾而笑吳公之文學蓋篤其實非徒飾空言者也若今之以文學名者徒飾空言為干祿之資耳無乃有異於吳公乎夫宗其道則思祀其人者吾人之情也傳其學必思篤其實者吾人之分也世有豪傑之士必有不安於科舉之習而以操履為重者矧至吳公之鄉而依其門牆可徒浮華是競以希吳公乎是可以省矣不然吾邑固有學校豈不足以造士而司教化者必勤勤於書院之立哉是役也成於王公而溫公實主之溫公憲體振肅事之官財者雖小必萃

獨善王公此役首助成之其表章名德風勵人心
可想見焉王公復濟以精敏役興而民不知勞事
節而民不知費使千年瞻典新於一旦益均可言云萬厯三十四年知縣耿

橋重新之更名虞山書院構弦歌樓天啟中魏璫
毀之崇禎六年後裔言福言恂如請於知縣楊鼎
熙重建

國朝康熙中糧道馬逸姿修

養賢書院在常熟縣學明倫堂西

國朝康熙四年督糧道參政盧紘海防同知魯超特設

講學知縣李璞捐建

虞溪書院明弘治間知縣計宗道建於常熟縣阜成門外殿橋西以祀虞仲顏其堂曰讓德

松江府

九峯書院初在府治西北宋時邑人衛謙建後趙驥以宋李綱生於華亭因祀綱於此明正德十一年同知侯自明奉提學張鰲山檄改建於谷陽門西

西湖書院在府治西南元貞元年知府張之翰
建大德間里人邵天驥重建元統二年知府申秉
禮重修遷姚氏義塾其中以便來學一時生徒甚
盛至正中廢後為西湖道院今不存

附

明張鷟與

當事興復書院書

自古王教之成也崇本而易其
末導晦而復之明為之立學校

義塾書院時告之以聖賢之路而興起其仁義之
心故夫書院之設羣薦紳父老子弟而歲日月為
之會迎四方之高賢達士登講者之席質疑辨難
以明其教習雅容登進主客揖讓之儀以和其氣
窮性命精微推廣天地萬物以為國家之用故講
習熟而型摹立心性開而志氣振其於民皆有裨

然油然而不忍自甘於淫放者松澤國也地知而人柔善下無有卓然強立肩道之重者則書院之興起何可少哉今黨庠之間羣弟子而官師訓之薦紳不入席也里社父老不與聞也遠方之高賢達士未嘗臨而問也聲偶帖括鄙俚之言薰人之心此人物之所以益下也願明公設書院一路以講習型摹之松之書院如九峯西湖皆可考顧九峯地露而不可復西湖之址一名各水沿西郭而南地莽蕪而污邪洄曲羣木聳植尚存環碧泳波之遺意此為一郡融結之地而間曠無用同於櫟社復而創之易為力也明公以理學名世建節南土而吾松僻壤一隅不獲見德化之盛觀禮樂道德之原是亦明公所惻隱也夫射之於廣漠也一人馬樹之招則衆遂而善射出矣此樹招者力也望洋而濟見艤舟馬而人競渡矣操舟者益於濟也夫王教之成亦若此矣伏惟明公興復書院廣

講習敦墓式推廣郡縣薦紳之美意以慰父老子
弟囑囑之望仁澤決乎肌膚德教翔乎海隅明公
之恩施與聖澤俱
不朽風俗幸甚

扶風書院在府治東百步

國朝康熙二十一年郡紳王廣心許纘曾等建知府魯
超延教授陸在新開講於此今為節婦祠

仰高書院在上海縣學南明正德時知縣鄭洛書
建仰高祠以祀名宦鄉賢後別作祠於學遂改為
書院

孔宅書院在青浦縣北舊有孔子廟宋時因其地
立書院以養士元初為寺僧所據至正時復還書
院置山長主之里人章弼重修

常州府

道南書院在府朝京門內宋楊時嘗監本州市易
務因講道馬紹興初知府黃灝始立祠祀之尋燬
於兵明正統間知府葉恭即西山公館塑公像與
蘇軾合祀名二賢祠正德十四年徙毘陵驛於朝

京門外知府陳實即驛址建道南書院延給事毛
憲講學其中士子雲集嘉靖間改為兵備道署

延陵書院一在府城雙桂坊季子祠西

國朝康熙十年布政慕天顏知府駱鍾麟就祠側地建

書院

附

魏禧記

常州為古延陵地吳季子所封邑故郡縣季子遺廟最多舊誌有延

陵書院故址不可攷茲其廢而不興者不知幾百年矣歲辛亥郡太守駱公鍾麟慨然以風教為己任有意興復之而延陵裔孫武進諸生發祥鬻產以謀建造於是就郡城雙桂里季子祠西偏之廢址創復古延陵書院太守時與郡邑大夫士講學其中未幾太守以憂去而新太守紀公堯興復振

興其事講習如舊時常州為古今人文之藪倡明
道學者代有其人書院之設自南宋周伯忱先生
至明孫文介張清惠凡四五建至於今廢墜者數
十年一旦得賢有司起而舉之常之大夫士觀感
興起彬彬乎道德之林矣書院凡為廡為堂為室
若干區地廣若干畝作於某歲月落成於某歲月
發祥竭力經營之宜興邵雙協圖之禧來客燕土
得文常之賢人君子而不以禧為不文命為記勒
諸石禱固謝不獲於是拜手而言曰昔孔聖以學
之不講為吾憂而兌之大東曰君子以朋友講習
自宋之小人以偽學誣君子始有講學之禁禧嘗
以為講學之人有不盡出於君子者而攻講學之
人則斷未有不出於小人自宋以來可見矣然漢
唐之黨禍君子與小人相攻也至雖蜀之黨分而
君子與君子相攻矣雖蜀之爭是君子之講學與
君子之不講學者相攻也至朱陸之黨分近日程

朱陽明之說異而君子之講學與講學者相攻矣
嗚呼不有君子其流弊抑又何所底也易曰殊途
而同歸為學者各有所得力之處要歸於聖賢之
道而已是故弊有所必救則殷周損益雖聖人之
制可以改其未善理有所合則諸子百家之言未
嘗不可以發明聖人之經若執一自用是此非彼
始以相長之義而成相勝之氣以徑路之殊成門
戶之異則已之偏私膠固與小人之怙勢專利者
其間不能以寸顧曉曉然曰吾講聖人之學也是
何異於之楚而北其轍哉吾知諸君子之必不出
於是也夫正其身以率物虛心以受人將天下之
技求自消況一堂之上乎棲庸劣於講學之堂不
足以供糞除之役今因諸君子之請而妄述所聞
於師友者以附記事之後是雖不能辭道聽塗說
之罪或庶幾備矇瞍一在江陰縣順化坊舊為公
之歲頌云爾是為記

館明成化間知縣謝廷桂建嘉靖間知縣李元陽重修設季子位以祀之聚學者肄業其中今廢

東林書院在金匱縣城東宋陽時講學處久圯明

成化間邑人邵寶建書院於泰伯瀆上以講學附

王守仁記

東林書院者宋楊龜山先生講學之所也龜山沒其地化為僧區而其學亦遂

淪於訓詁詞章者且四百年成化間今少司徒泉齋邵先生以舉子復聚徒講學於其間先生既仕而址復荒屬於邑之華氏華氏先生之門人也以先生之故仍讓其地為書院用昭先生之迹而復龜山之舊先生則自述其廢興而以記屬之某當是時遼陽高君文芳方來令茲邑聞其事謂表明

賢人君子之蹟以風勵士習此吾有司之責而顧以勤諸生則謂之何爰筆其所備而亦遣人來請嗚呼物之廢與厥有成數矣而亦存乎其人夫龜山沒使有若先生者相繼講明其間則龜山之學邑之人將必有傳者豈遂淪於訓詁詞章而莫之挽當時從龜山游不無人矣使有若華氏者相繼修葺之縱其學未即大明其間必有溯流以窮源者亦何淪沒廢置之久又使其時有司若高君者以風勵士習為己任書院必不至於頽圯又何至化為浮屠之室而蕩為草莽之墟乎是三者皆宜書之以訓後若夫龜山之學得之程氏上接孔孟而下啟羅李晦菴統緒相承斷無可疑先生樂易謙虛德器浩然不見喜怒人之悅而從之若百谷之趨大川論者以為有龜山之風非有得於其學宜莫能之然而世之宗先生者或以其文翰之工或以其學術之達或以其政事之良先生之心其

殆未以是足也從先生游者其以予言而求先生之心以先生之心而求龜山之學信乎書院之復不為虛矣書院在泰伯瀆之上東望梅村二十里而遙周泰伯之所從逃也方華氏之讓地為縣鄉之人與其同門之士爭相趨事若恥於後泰伯之遺風尚有存焉特世無若先生者以倡之耳是亦不可以久之又圯萬厯間邑人顧憲成復建於今無書

地高攀龍繼之天啟五年為魏璫所毀

國朝康熙中巡撫湯斌復營建巡撫宋犖成之附熊賜

履重修東林書院記

東林宋儒楊龜山先生論學處也明神廟時梁溪顧涇陽

高景逸二先生倡道東南遂因其舊址構為書院偕同志講肄其中四方之士多歸之於是東林之

名滿天下天啟中魏瑞燭虐大誅戮海內正人特
指東林為黨籍書院以燬及瑞敗有旨修復而多
事之餘傾圮如故僅道南一祠頽然涼烟衰草間
而已今

天子隆

重師儒崇獎道術近

特允言官請令直省營建

書院為士子觀摩地於是景逸先生之從孫節培

集里中戚友申請於有司庀材鳩工廣行購募越

朞月而落成講堂學舍規制悉備諸生以時誦習

不異曩時節培乃走書至金陵屬余為文以紀其

事夫學也者學為聖學為賢也講也者講明所以

為聖為賢之理俾知所從事也因其迹以考其心

豈非宇宙之常經人生之切務而君師天下者之

所樂聞而亟許之者乎乃或者從而嫉惡之至設

為厲禁馬鳴呼此果何為者也粵自削迹伐木而

後吾黨之禍一見於宋紹聖再見於慶元嘉泰之

間迨至明代嘉宗之世而其禍彌烈矣雖然撫今

追昔反而內求吾黨亦當有分任其咎者蓋小人之忌害吾子也非必有深怨積恨誓不可並生於天地之間者也惟是平居立身制行殊途背馳不齊猶冰炭之不相入而所為君子其人者則又待之甚嚴絕之太過致若輩無地以自容又不幸吾黨之聲譽日隆交遊日衆一時標榜附和之子或未免名實乖違首尾衝突遂未足以服若輩之心而適足以可以可議之譽此同文實細之微小人每悍然為之而畧無所顧也然則講學一事頗可以終委乎是蓋有道矣古今泰運方亨宇內壇席之盛莫與蔚起嗚呼此誠斯道昌明之一大機會也則願吾黨有志之士以默識為真修以篤行為至教勿口舌執聲以矜能勿意見紛挐以長傲真賢客氣嘉善於愚借遊於大道為公之世而絕無所為始已後人之非開當世以雖黃之端此則國家化民移俗之至意而亦從古聖賢開物成務之

極功也操斯術也以往將講學二字永為千古美談東林名勝直與天壤並存可矣余生也晚嘗從先世遺書與聞梁溪之緒論茲幸逢是役之竣也為之盱衡往事因著為反躬刻責之言以自勉勵且為吾黨勸也吾

湯斌批請續祀道南呈詞

東林書院

龜山先生講學地故當時從祀皆其門人相傳即忠定南軒象山慈湖之賢猶加釐正蓋先儒之慎如此顧高諸先生皆興復東林同堂講習其祀於東林固宜天崇以後號東林者幾遍天下其間直節清修力排閹豎扶植綱常者皆可與顧高諸先生爭烈然此可謂之東林黨人而與書院無與也若盡舉當年號東林君子者而入之恐道南俎豆無地可容而其間或有名實不相副者亦無辭以拒之矣為今日計當倣前人釐正忠定諸先生遺意而為之亦紹述前賢之一端也且遊此地者要

當講求龜山端文忠憲之學想見當日林下寂寞
真修默證而不必於諸先生之應入應出紛紛聚
訟以啟門戶之爭可也仰縣
抄送書院仍具文報查繳

二泉書院在無錫惠山寺右明正德間邵寶建有
野橋雲階海天亭點易臺超然堂

國朝順治間按察使蔡獻臣提學張能麟先後捐貲修
造

東坡書院在宜興縣蜀山明弘治間建後圯

國朝康熙三十七年道士蔣普葺而新之

明道書院在宜興縣城東隅周孝侯墓左明萬厯間太僕史孟麟講學其地知縣喻致知倡建書院為士紳講習之所巡撫周孔教題曰明道名賢學士雲集與東林相輝映後圯

澄江書院在江陰縣布政坊巷西南元至正中里人蔡以忠以別業立義塾事聞於上賜額曰澄江書院設山長其講會之所曰德義堂後圯其遺址今為關壯繆祠

金匱山志卷之九
馬洲書院在靖江縣南門外明知縣陳函輝建集
諸生會課於中

鎮江府

淮海書院初在北固山鳳凰池宋淳熙中太常少
卿龔基先創建宋理宗御書四字賜為額元至元
中為甘露寺所併元貞元年教授黃一龍重建於
儒林里明初併入縣學崇禎十四年知府鄭一岳
創建於故址改名香山書院

國朝順治五年知府趙士冕增修樓舍更其名曰三山書院十一年以後改為駐鎮軍府

清風書院在丹徒縣壽邱山宋范仲淹讀書處明正德十五年知縣李東即其地建書院今圯

杏壇書院在丹徒縣壽邱山

國朝順治十三年知縣張晉創建繚垣植杏數百株使諸生居之後圯

茅山書院在金壇縣茅山宋天聖中侯仲逸創建

教授生徒知府事王隨奏給田三頃充書院用後
為崇禧觀所併端平中再建於三角山尋圯淳祐
中郡守王埜復之未幾又圯咸淳七年更建於顧
龍山今改為圓通菴

淮安府

仰止書院在府城東南名臣祠內明正德十一年
提學張鰲山建

忠孝書院在府城東門外舊為尼寺明正德十四

年巡按成英毀之建書院以祀宋徐績陸秀夫設
六館以肄多士

志道書院在府學南明萬厯中推官曹于汴建

正學書院在鹽城縣治北明嘉靖十七年縣丞胡
鰲創建有文會堂燕居堂歌鹿堂東西號舍後為
叅將府

崇正書院在清河縣明隆慶五年知縣張性誠以
如意庵改建書院立號舍二十間置齋長二人領

金少府
袖諸生中有講堂買地為園以資膏火天啟間圮
臨川書院在清河縣漁溝鎮距縣四十里

國朝康熙三十二年知縣管鉅以漁溝士民輻湊子弟
多向學思造就之乃建書院令就學焉

揚州府

甘泉書院在府東門外天寧寺東明嘉靖間湛若
水過揚講學於此後御史朱廷立知府易瓚為建
書院御史聞人銓徐九皋知府侯秩增修

資政書院在府治東隅明成化間知府王恕建以
教郡邑學弟子弘治間知府馮忠重修今圯

維揚書院在府西門內仰止坊明嘉靖間鹽使雷
應龍建萬厯間鹽使彭端吾修崇禎間鹽使楊某
重葺令師儒講肄其中

安定書院一在江都縣治東南三元坊

國朝康熙元年鹽使胡文學建以祀宋儒胡瑗一在泰
州治東提舉陳瑛創於方洲泰山之間以祀胡瑗

歲久廢成化間提學陳選塑像儒學中婁謙遷於
小西湖上弘治五年泮官方岳移令地有祀堂三
間經義治事二齋嘉靖間知府王臣重建

徐州府

彭東書院在府城東北隅明嘉靖二十五年副使
王挺建為諸生講讀之所今圯

彭西書院在府城西南隅即舊武學明嘉靖六年
副使趙春建為武生居業之所二十五年副使王

槌復拓之改為彭西書院今圯

養正書院在府呂梁分司之南明嘉靖三十五年
主事王應時因舊社倉拓之為書院有育德堂左
右翼書屋後為居學軒徐邳之士咸肄業於此今
圯

龍峯書院在碭山縣明萬厯元年知縣王廷卿砌
建為諸生居業地有天語亭瑞麥亭

凌雲書院在宿遷縣治南明萬厯三年知縣喻文

偉建中為明德堂後為靜思軒左右日新時習二齋集諸生會文其中

桂林書院在睢寧縣治後

國朝康熙五十七年知縣劉如宴作義學於城隍廟西監生王訥捐令地建書院為課士之所而以義學地立院

太倉州

明德書院在嘉定縣學宮左明萬曆三十二年知

縣韓浚建置田三百畝天啟四年毀為勸農公署
崇禎初復改書院今圯

安慶府

安慶府書院在府儒學內自 文廟明倫堂以東
皆其地也

國朝順治九年操撫李日亢創建顏曰培原書院康熙
十年巡撫靳輔命知府姚琅興復書院命教授莊
名弼課士其中

附靳輔記

書院之設何昉乎蓋不
忘乎洙泗之意而宗仰

之不哀也然歷稽往牒創不一其人建不一其地
於以一道同風扶進學業非不有賴而豫章為最
著蓋文成事業在天壤文章本理學而最有功於
道統者則莫如提倡良知二字夫知或由於生或
由於困或由於學而其終則歸功於格致乃格物
一篇已失其傳而所補之章先儒猶有微上微下
之論則繼夫子而言知者誠莫如子興氏之言良
知為最當矣雖然大學一書言誠言正言明德中
庸一書言率性言盡性言擇善非皆求知之良乎
非皆同功而一貫乎何以子興氏獨尊良知而文
成公獨提倡之也嘗云惟天地萬物父母惟人萬
物之靈命之之為性率之之謂道所以道原於天
知本於性試向庸人而語之曰某也若何忠某也
若何孝則聞者必徵於色發於聲而喜其為忠臣
孝子也又語之曰某也若何不忠某也若何不孝
則聞者又必徵於色發於聲而怒其不忠不孝也

夫間忠孝而喜聞不忠不孝而怒皆知之最良者也其意亦莫不誠也其心亦莫不正也則其德亦莫不明也其善亦莫不至也推此知而一貫無不貫也推此知而家國天下亦莫不齊治平也古人云不忘君謂之大臣不忘世不忘道謂之大儒亦皆謂知之不容已也昔劉元臣登進士不即就選乃受學於司馬溫公後乃得存誠之道所謂物物各具一實理人人各具一實心者即此良知是也惟實固良惟良必實耳皖城東舊有書院是撫府李君培原所起也凡講堂齋舍門廡號房規制亦宏整乃沿習既久曠廢不振予自下車以來每恐不能體

朝廷興

聚育才之意爰於簿書之暇召集生徒月有課日有講告之上郡三州亦莫不舉行亦既駁駁乎文會輯仁矣然衡文之際每勵師儒以倫常之道切實之義而推原其誠意正心以引於其良知爰更

嘗其說以示多士則雖謂廣其說於天下而獨先伸其說於所及也亦何不可是為記

二十

年巡撫徐國相二十三年巡撫薛柱斗先後增修集郡邑生講學四十八年巡撫葉九思重修改曰修永書院雍正七年知府徐士林重修禮讓堂及東首齋舍九間復集諸生肄業十年奉

旨建立書院大加葺治前建碑亭中為禮讓堂左右增置號舍

賜帑金一千兩置腴田一百一十一畝益以歷任

撫捐置

各屬學田共計三十五頃六十畝零額租穀麥一
千七百一十五石零額銀三百四十八兩零悉歸
書院為膏火資又知府徐士林於陞任時捐銀六
十兩懷寧縣李元祥為置民田額租穀一十一石
地課一兩六錢並佐書院膏火

附徐本記 欽惟我

皇上繼天立極文德誕敷聲教暨訖無遠弗屆癸丑春
勅天下省會於學校外建立書院為興賢育才地各
賜帑千金又念士子敬業樂群膏火之資不繼
命督撫等查支給

唐處周詳湛恩汪濊海內德造之邇聞風慕義爭自濯磨
其盛典也本奉

命來撫上江恭承
諭旨嚴安藩發帑金如數

飭皖守懷令購置附郭膏腴田
一百一十一畝即以懷令掌其租賦
寄書院諸生膏火垂之久遠皖城舊有書院在府洋之左面江
流枕龍巖實據一城之勝於是親為相度形勢門
無齋堂深廣奧瑱因年遠頽廢鳩工葺治棟宇較
新垣墉塗茨堂左右各七楹為號舍數十間寬敞可
為六齋又於堂東隙地增改號舍數十間寬敞可
容百餘人按皖江歷任撫按嘗捐置各屬學田共
計三十五頃六十畝有奇額租穀麥一千七百十
五石有奇額銀三百四十八兩有奇向雖為賑恤
貧士之需而實飽吏胥之腹本茲任後畢力清釐
杜其濫濫賑恤貧士之外餘俱飭貯郡庫修葺書
院治辦器具皆取給馬歲之所入自雍正十一年
始悉歸書院以佐膏火之不足 奏入 報可爰
卜吉灋歸延名師擇各屬有志行之士充入之相

聖天子興行禮義模倣作人之雅化焉自昔書院之制以

石鼓巖麓白鹿睢陽四者為盛蓋當時庠序之教未修士罔擇地為羣居講習之所朝廷畧一崇獎之而已今天下學校之盛敦屬名實禮陶樂淑猶荷

殊恩加意於此為之養其德性關其身心恤其口體日用吾知風氣之隆人才之盛必有極乎前古之所未育者矣敬刻石恭紀

取因該院宇之制物料工價之由俾後之有事於斯土者永以為則云

青陽書院在懷寧縣余忠宣廟內祀元余闕以闕戰守之暇即率諸生講性命之學戰士擐甲以聽

故建今廟猶存

二良書院在府治東明嘉靖時知府胡纘宗以漢文翁朱邑皆有功於皖創書院以祀之使諸生讀書其中今圯

近思書院在府治北明知府胡纘宗建奉周程張朱五子使有志性理之學者肄習其中中為聚奎堂前為主敬堂旁有書舍崇禎間巡按田惟嘉檄府重修即今北察院

龍山書院在府治北明嘉靖三十二年知府李遜
即社學舊址建有正義堂正德修業堂退省堂左
右號舍學舍今圯

山谷書院在懷寧縣儒學前明知府胡纘宗撤佑
聖觀之西僧庵為之後燬於兵

國朝順治九年山谷後裔推官黃敬璣重建諸生亦有
誦習其中者

桐溪書院在桐城縣西北隅明嘉靖間知府胡纘

宗知縣沈教移靈泉寺於西以其地建書院祀周程張朱五子使諸生有志學道者知所觀法後知縣鄺濤易太霞宮為書院今因錢尚書葬其處邑人呼為錢家書院

皖山書院在潛山縣舒王臺上即天寧寺地明嘉靖間知府胡纘宗以程朱二夫子皆嘗至潛游酢黃榦皆有治績於潛遂撤寺建書院以祀程朱以游黃配今復為寺

來仙書院在望江縣東門外

國朝康熙十九年知縣陳柿祚建二十二年知縣伊巖
重葺捐俸置田以供寒士之就學者

徽州府

紫陽書院在府城外紫陽山麓自宋淳祐六年郡
守韓補始建於城南門外理宗賜額曰紫陽書院
元至元間遷於南門內之江東道院改道院為書院
延祐二年又遷於南門外故址之左後燬於兵明洪武

初邑人重建於歙縣學右成弘正嘉間知府王勤
彭澤熊桂知縣林騰蛟戴東旻先後修葺然歷年
久僅存朱子像而已而紫陽山麓之書院則正德

時知府張芹創建嘉靖間知府何東序修葺集七

學之士講讀其中

附

汪道昆記

郡中特建紫陽書院事載國文公其

地處適近有興廢其一在縣儒學之右文公裳衣
在焉建自國初西向成化庚子郡丞張公改而南
向而紫陽山正德壬申郡守熊公遷廢寺以都形
勝增置堂廡齋舍凡若干楹為臺為池焚不備具
乃簡七校之士講業其中一時人文益狀斌矣歲
久就圯迄今垂五十年嘉靖丙寅縣大夫林公由

進士領縣事始謁祠下周視而嘆曰元立閩人也
閩之祖豆文公者至盛矣此文公父母之園而祠
事不治謂有司何乃鳩工程材葺其舊者咸若更
始復庋臺前餘地增置講堂堂外為垣樹桃李若
竹簫垣之南為亭奉世宗皇帝敬一箴堂之東為
門揭宋理宗賜額其典事自十一月至於正月其
財用出公帑若干繕工不告勞民不知役都人莫
不欣欣焉喜也縣文學徐君耒告成事屬道昆勒
石紀之在今甲有司立屬廟祀先師博士諸生咸
在學舍法久寢廢學舍曠而不居當事則又崇祀
其鄉先生為之尸祝而訪之進魯人之陟岱必先
東山吳人之臨滄溟必先震澤其觀法也近則其
用力也專且國之養賢猶農之樹稼一夫而受十
畝歲入幾何第令程工而相土之宜其獲過常乃
令養士日廣視時昔且什倍之使必程督而後行
日不暇給及既釋業而仕緩急將有賴焉卒然試

卷之二十一
五十九
之所養或非所用何以故失養故也教之必因其材居之必擇其地善養者慎諸文公以經術明聖人之道若揭日月而行世儒斤斤猶或求多於訓詁要以篤行君子較然與古為徒故其遺書至今誦之弗絕當世以經術論士舍文公奚適哉使徒快經術為取士之資直優孟之抵掌耳尚安事養必也躬行為本出入不倍所聞是則文公之徒也都人士後文公而與觀法不遠即有事於海岱夫非東山震澤之類與今天子改元士蒸蒸嚮用視文公尼於有宋何論遠庭都人士資適逢時顧自養何如耳語曰良田無晚歲膏澤多豐年此縣大夫意也道昆不佞敢為都人士申之

國朝順治間知府祖建衡重修康熙九年知府曹鼎望集諸生講學於此至今稱盛

斗山書院在府治東斗山之顛明湛若水曾講學
於此嘉靖十年知府馮世雍葺為精舍萬厯間改
為書院

國朝順治間燬康熙九年知府曹鼎望重建

師山書院在府城西十里元鄭玉構精舍於師山
有三樂堂極高明軒著春秋闕疑於其中後人因
之為書院

南山書院在歙縣巖鎮南山之麓明嘉靖中烏程

姚舜牧寓山中著書學者從之因創書院

國朝康熙二十一年里人於故址重建每歲三月聚此
講學

還古書院在休寧縣萬安山依山疊石而成明萬
厯十年知縣祝世祿始建給事中邵庶成之天啟
間魏璫盡燬天下書院崇禎初復故

國朝順治十年邑人趙吉士捐貲重修集士子講學於
此康熙中知縣廖騰燧復興之祀朱子其中

瞻雲書院在休寧縣城內舊曰海陽書院今為講學所

國朝康熙二十九年知縣廖騰燧重修

晦菴書院在婺源縣元至元二十四年知州汪元圭創書院於文廟側額曰晦菴延祐初災後至元間再建於縣學之東北至正兵燬明嘉靖九年知縣曾忭改建於縣治後山上更名曰紫陽書院後知縣鄭國賓張櫟相繼置田為講學會文之費萬

歷間知縣馮時來重修監生程亨嘉輸助令圮

明經書院在婺源縣考川元至大間里人胡浚建
知州黃惟中聘胡炳文主教事請於朝賜額置山
長一員至正時燬於兵明成化間重建後圯萬歷
間重建

閩山書院在婺源縣閩山元至正間行樞密院判
汪同建聘趙汾為師以教鄉之俊秀者令圮

東山書院在祁門縣睢山明正德末知府留志淑

因東嶽廟基為書院以祀朱子集諸生講肄後災
嘉靖間知縣陳光華重建更名曰環谷書院後知
縣尤烈修而廣之

碧陽書院在黟縣治南舊儒學基明嘉靖四十二
年知縣謝廷傑捐俸建以地在碧山之陽故名崇
禎間重建

寧國府

志學書院在府治北景德寺後明嘉靖四十三年

提學耿定向知府羅汝芳建有會講堂左右號舍四十楹書院西為宛陵精舍嘉靖四十三年知縣姜台建

待學書院在府治文昌臺右明萬曆十七年知府廖恒吉知縣陳公相建二十六年知縣尹三聘重修改為正學書院崇禎間知府徐大儀倡募重修國朝康熙十七年訓導姚士重修葺

鳳山書院一名明德書院在寧國縣學射圃前明

正德中知縣王時正建嘉靖萬厯間知縣胡子亞
徐一櫨重修後圯

國朝康熙十六年知縣馬光重建於西津橋東泚制度
軒敞設理學先儒位置田為學者膏火之資後知
縣陳主策增置田助之

文峯書院在太平縣治南明嘉靖中知縣邱振省
開福寺建後知縣劉元凱重修更名天都書院後
圯萬厯五年知縣張廷榜重建後改為公館知縣

金史卷一百一十五
卷九十一
潘應化復之明末復圮

國朝順治八年知縣陳善政重建後為講堂前為凌雲閣

籍山書院在南陵縣治東北因山為石臺明知縣沈堯中建

國朝康熙八年知縣屈升瀛重修

池州府

齊山書院在府城南五里元時設山長主教事宣

城貢尚書師秦嘗為之後圮

繡春書院在府齊山宋狀元華岳讀書處明狀元黃觀築翠微精舍正德十年知府何紹正即故址建書院有聚奎堂置田其中後同知任柱復置田益之萬厯初移建陽春嶺下三十三年知縣羅憲凱復移建舊址今圮

儲材書院在府城西北城隍廟前明嘉靖二十年知府曾仲魁建五經書院隆慶間知府尹士龍改

為實學書院萬歷十六年知府姚士觀易令名後
祀

池陽書院在府學宮西南本常平倉址

國朝康熙二十年知府喻成龍建集六邑諸生肄業其
中置田七百餘畝以為供膳講誦極盛今為憲使

往來駐節之地矣

附喻成龍記

天下之所以弘道
化美風俗立功名

垂風澤者惟此人才而已矣而儲才先於養士養
士先於勤學載考禮官天子辟雍諸侯澤宮以云
學也下及鄉遂以三士三大夫卿主之而書院之
設所以興辟雍澤宮六卿六遂相為贊治者也百

年以來鮮有修舉予為慨然思所以儲才養士以
間一代之隆以豫國家之用則書院其始地也歷
稽往牒自漢集諸生於白虎觀講五經同異鄭元
馬融及隋王通皆廣集生徒共相授受然書院之
名未立也名之立自唐始開元初建麗正書院以
張說為使代宗作蓬萊殿舍以李泌為使憲宗創
石鼓待四方學者以李寬為使南唐昇元則蕲麓
有建也太平興國則鹿洞有建也嵩陽鶴山奏置
院長建安麗澤掌以布衣而大元之太極天厯之
橫渠隆慶天啟之靈濟首善又班班可數也於是
鴻儒蔚興大業蹁起猗云盛矣予綰組池陽有興
教育才之任簿書之暇率寮案進耆碩訪八桂翠
微遺址湫隘曲側不足當甲觀而山之選嗣於學
宮西南有連殿舊基其地高廣軒豁登而望之遠
岫平臨清江環溯烟雲竹樹觸目琳瑯陟巖降原
於茲為勝爰剔榛莽磊砂礫測景植圭繪圖釐冊

而後鳩工庀材焉經始於辛酉七月初竣於壬戌春王之吉緣垣百堵丹雘千楹顏於門曰池陽書院誌地也堂曰經治志業也曰敬學誌學也東西序列匝廡周廊庖廩膏薪充庾盈室既次第就裁區畫纖富因採購鴻文搜羅祕笈聖經國史諸子百家凡數千卷刊石紀編貯備觀覽徵郡學及六邑諸生升其孝秀英敏者讀書其中而以郡邑學博主之相與修業砥行為國羽儀庶幾師禮官遺意而於前賢詎不望古遙集也哉若云丈翁之倡化茂叔之講學以俟君子余方遜謝告不敏也是為記

陽明書院在青陽縣九華山化城寺右明嘉靖初知縣祝增建以祀王守仁後改為祠

陵陽書院在石埭縣治西明畢似范講學其中

國朝康熙十年知縣姚子莊重修今圯

太平府

天門書院舊在太平府大信鎮宋淳祐六年守臣
陳壇建為淮士流寓者肄業之所置田以養之九
年吳淵奏請賜額理宗親書天門書院以近天門
山故名後馬光祖年子才江萬里相繼修葺增瀛
溪明道伊川橫渠晦庵南軒東萊七賢祠元時漸

廢至明遺址為鎮人所併萬厯二十二年知府顧汝學移建於城內青山書院之故基而拓之有孚化堂書舍五十六楹明末圯

采石書院在府城北二十里采石鎮元至元十四年宣慰使張弘範勅建泰定間郡守賈煥山長楊俊重建堂齋門亭庖庫至正間廉訪使崔敬增修置田明宣德三年知府徐敬重修天啟間置采石兵營以書院為江防行署後同知梁斗輝復改為

振采書院

翠螺書院在府治太白樓後虞公祠側

國朝雍正六年知府李璋新建置田以給學者

丹陽書院在府東南八十里黃池鎮宋景定五年

貢士劉某建郡守朱禔孫聞於朝賜額丹陽書院

從漢郡名也元至大中憲使盧摯人匠提舉陳童

置田六百畝以養多士

附吳澄書院養士記

黃池鎮有

書院舊矣自宋景定甲子貢士劉君肇建郡守諸公以聞朝賜丹陽書院名額撥僧寺沒官之田二

頃給其食廩後僧復取之書院遂無以養士至大
戊申憲使盧公議創天門書院之有餘以補不足
令既出會公去不果如令人匠提舉陳侯分司黃
池暇日與羣士遊習知書院始末慨然興懷移檄
儒司儒司上之省省下之郡郡太守主之力竟如
憲撫初議俾天門書院歸田於丹陽以畝計凡四
百侯猶以為未足以贍乃勸士之有田者數十家
暨官之好義一二人各出力以助或十畝或五畝
有八畝七畝者有四畝三畝二畝者積少而多所
得之田以畝計凡二百噫丹陽書院之創垂五十
年而教養之闕餘十年今一旦有田六百畝盧公
聞其始成侯成其終盧公勉勵學校固其職也陳
侯典治絲設色之工而用心儒教有出於職分之
外者尸祝越尊俎而治庖可乎唐風之詩曰職思
其居又曰職思其外夫居者其分也外者其餘也
唐風思之遠者也於職既盡其分而兼及其餘所

思可謂遠也已陳侯有焉侯所勸率隸匠籍者五之一隸儒籍者十之八此豈以氣勢利害動而使從哉能得其心悅而樂助蓋有以也非才之優識之定其孰能感人如是田之疆畝名數久則湮羣士請勒諸石而陳侯之功尤不可泯春秋常祀不書侯此舉非常也宜得書若夫士既有以養必知所以學是不待余言

明天順間改為公館

同仁書院在繁昌舊縣距令縣治四十里明萬厯二十五年知縣吳縝重建門廊堂寢二十三楹令圮

廬州府

孝肅書院在府城南濠內香花墩明弘治間知府
宋鑑建以祀宋包拯嘉靖中御史楊瞻重修於南
岸建屋數楹以居其子孫焉

龍眠書院在舒城縣治東舒王祠西即宋李公麟
龍眠山莊故址元至順中知縣褒理溥化建集師

生為肄業之地

附元揭傒斯記

治民之道使民知
禮義而已使民知

禮義先示其所尚而已民知所尚則知所向方哉
廬州舒城長褒理溥化用湖廣舉首取泰定四年
第得茲邑首理學政咸用其學以教導民民始益
知人之所以為貴儒之所以為重而復知所以養

生而送死居二年曰民其可教矣乎如是又治地
邑東得李公伯時龍眠山莊故基於東禪寺舒王
祠西嘗沒於寺者據山川之會想昔賢之遊處乃
會其祿入募工度功作書院以事先聖先師以為
出治立教之本不踰時而成凡殿堂門廡齋舍庖
庫及李公之祠為屋三十有六楹以其面對龍眠
之山端嚴奇峻能出雲雨膏澤天下榜之曰龍眠
書院且示不忘李公之故而邑賢者范鳳瑞割田
二百畝以供祭養既告成於廟遂立之師進諸生
而教之凡民有來觀者必勸之以學是時上旣撥
亂集大命兵革未息饑疫未復郡縣長吏能以荒
政自任且不足遑知禮義之教也而舒城勸分則
出粟之家惟恐後民之強暴子弟一有弗若則父
兄長老切責詬怒惟恐見絕於長吏休休焉日以
興學為事舒之民卒無一人攜離轉徙者長吏豈
獨賢民得其所以生者也舒著於春秋故山有春

秋之山水有舒水始入於隨後并於楚其民勇而好義非獨舒為然楚之城皆然故楚常為強國最後宋室南遷賴其民蔽遮江淮幾二百年然當時學校之教弊而不施仁義之政厄而不行養生者不得盡其歡喪死者不得究其禮此非上之過長吏之責也今吾君既畀爾以賢長吏一以詩書禮義覺爾民民亦知所尚乎若曰升其堂陳其器設其牲齊而行其典禮如是而已此事聖人之疏節也非作書院意也舒之人尚其勗哉李公諱公麟邑人博學好古舉進士歷刪定及檢法官未老致仕蘇文忠黃文節二公嘗過其山莊故合祀於堂之北是役也建始於天歷三年之春而訖於改元至順縣學之明倫堂亦其所建也是歲冬十月朔記

正學書院在合肥縣學西明嘉靖間督學耿定向

建敬一廣居大成三堂志伊學顏二軒又名廬陽
書院今圯

青陽書院在合肥縣東六十里巢縣之上因山為
名元余闕讀書處

水濂書院在廬江縣南門外明嘉靖三十年知縣
何汝璋教諭周以魯因池構亭繚垣築室聚徒講
習其中今圯

毛公書院在廬江縣東北七十里明嘉靖五年知

縣周良會即漢毛義讀書處故址建以教鄉之俊秀者今圯

楊林書院在廬江縣白湖之東七十里明嘉靖三十四年邑紳朱紱建聚族黨讀書其中朔望伏臘鄉約正副等宣讀上諭申明鄉約

鳳陽府

西山書院在臨淮縣曲陽門外明嘉靖十三年知縣謝廷舉奉巡按張惟恕創建三十年知縣何立

重修令無存

鳳臨書院在臨淮縣西關

國朝康熙四十七年知縣王紘建捐俸延師課士初名
啟蒙書院政餘即親臨提誨學者講為已切實功
夫諭以正衣冠尊瞻視二語言簡旨深入人可
自力聞風者自遠而至悉資之膏火改曰鳳臨書
院至今弦誦不輟

文昌書院在懷遠縣西荆山之麓明嘉靖十三年

建後廢

國朝康熙五十六年邑人李佺等重建雍正元年知縣唐暄加修每月朔望率諸生講學課藝其中

興學書院在虹縣治東南隅

國朝康熙初知縣龔起鵬建十六年知縣彭翼宸建文昌閣於後其前為星聚堂朔望集諸生課業

循禮書院在壽州治東北明署學正黃奇士建今改為梓潼觀

潁州府

西湖書院在府西湖之南宋歐陽修守潁樂其風
土及致仕歸潁築室於此明嘉靖十四年兵備李
宗樞判官呂景蒙即遺址建後兵備陳洙孔天映
繼成之中為四賢堂祀晏歐呂蘇四公前為露臺
後為梧月柳風堂最後面湖為勝絕亭今圯於河

滁州

南譙書院在全椒縣東南二里明嘉靖中給事戚

賢建聚徒講學今圯

景瀛書院在來安縣南門外明太僕周海門倡明
理學士翕然宗之萬厯十六年知縣周之冕因建
書院集諸生講習其中

和州

嵯嶠書院在和州城西南隅嵯嶠墩舊為清風樓
宋元祐中改為連雲觀明知州王卮改建嵯嶠書
院以為生儒講學之所嘉靖元年同知薛祖學改

為烈女祠十六年州判王朝用遷烈女祠於城南
重建書院

環峯書院在含山縣學宮東

國朝康熙十四年巡撫靳輔檄各郡縣立書院為講肄
之所知縣劉祚全始建此講堂書舍規模弘敞十
六年署縣事通判黃際會於書院之右復設義學
為塾師教讀館

廣德州

復初書院在州文廟西北舊為元妙觀明嘉靖四年判官鄒守益徙觀於東郊即其址建書院以訓多士上為尊經閣下為明善堂東西翼號舍各十一楹置田三百畝以供學者萬厯間知州方沆陸長庚段猷顯李得中相繼修葺今圯

茅茹書院在州學明倫堂東

國朝康熙五年里人公建置田以為會課之費

六安州

龍津書院在州城武定門外一里舊為龍王廟明嘉靖六年知州歐陽德改建為格致書院後同知林華率諸生講習其中建廊然臺遠望數十里前為講堂左右列號舍扁曰龍津書院

國朝康熙五十三年知州張璩訪遺址重葺

泗州

泗水書院在州城內

國朝順治十年知州宋德芳建後守備陳某借為官廨

康熙十二年知州李德耀別立營房而復之後為
義塾令湮

崇聖書院在盱眙縣第一山昔孔安國為臨淮守
創立書院有先聖燕居殿今玻璃泉即其遺址
始興書院在天長縣治東明成化五年知縣易居
仁建後為社學又改為公館

同人書院在天長縣朱孝子祠東明邑人王心與
門人吳恕等建以講讀後圯

國朝順治初知縣李毓秀又於縣學西建之樓房廳堂
園圃畢備今亦漸圯



江南通志卷九十

欽定四庫全書

史部

江南通志卷九十二

詳校官給事中臣丁雲錦

檢討臣德生覆勘

總校官編修臣王燕緒

校對官中書臣石鴻翥

膳錄監生臣劉宗望

膳錄監生臣毛杞

欽定四庫全書

江南通志卷九十一

學校志

試院

貢院在江寧府城縣學之東明景泰間建中有樓
曰明遠堂曰至公左右為監臨提調院列以騰錄
對讀供給諸所堂前為東西文場號房堂後有池
架橋於上曰飛虹橋之北有門後有堂七間中三

間為衡鑒堂左右各二間為主考官燕室左右掖
皆有屋為五經同考官所居前有寫榜刻刷內廚
諸所隆慶間都御史盛汝謙購隙地繚以土垣四
圍巡警外設公館及羣舍以備供饌附吳節重修

碑記

貢舉有院內外通制也南京應天府為天下
貢院首其制度亦為四方所取法自設科以

來其地凡四易洪武初以北城演武場為之永樂
中移於郡學文塲正統間復徙武學之講堂後士
多地隘非闢廡毀垣不足容景泰初府尹馬諒將
修述職之典於朝乃進耆宿而咨之咸曰秦淮之
陽有地廓如前武臣沒入廢宅也鞠為氓隸之圃
久矣若葺而理之可辦也公曰諾即具疏以聞詔

禮部勘覆如其言遂與府丞陳宜首任經費而察
案之良亦各捐俸為助鳩工市材募力啟土盡撤
其舊而新之中為至公堂監臨侍御興知貢舉官
居之左右夾室則封檢對膳之所也後為內簾寢
室翰林正考主之東西有廂則同考師儒校讐之
處也堂之前地平而勢整甲乙相向可為席三千
有奇所以待士也由南而入則重門縈紆護之以
棘所以防搜檢而嚴更僕也與凡庖湍之房範廩
之庫亦有位次而什物之需凡案之用又皆因時
而為之者也工畢適歲終酉大比屆期合成均與
戲旬之士奉試如式比轍轅而得人加多乃相與
列宴於新堂之上時鹿鳴興歌蓮豆有踐流觀煥
彩文物交並京闈科貢之盛於斯為備矣天順改
元恭逢聖君莅祚首降恩詔切於求賢於是京府
長寮以為文運方隆乎昔而是院更新宜有所記
乃具始末來徵文將刻諸石竊惟進士之科始於

成周盛於漢唐宋而最盛於明蓋士君子入仕之
頭階生公之通進也然儀必當物禮不虛隆故敷
納之訓武熊之雅具於經而賓興之典計偕之令
又於禮制有足徵焉然此皆上之所以待士也若
夫功業相尚以致君澤民為心掀揭天地而宣昭
古今則又在乎士耳不然則賢能之害奚以表見
於當世耶節泰斯文當執筆於此不敢以菲薄辭
謹述其造之由以彰昭代人文之盛美尹丞締構
之功庶以誌夫豪傑之
士各勉能擢於後日云

國朝雍正二年總督查弼納捐資增設號舍十年署總
督尹繼善又捐修堂簾廣增號舍規制甚備

江寧府試院一在府城大功坊南明嘉靖間御史

盧煥建萬厯間圮御史陳貞復建

國朝順治間為民居所侵康熙五十二年巡撫張伯行

重建都司章秉法董其事規模閎整附張伯行記

省會舊有學使者試士之所在都使司廨東順治
庚子後始廢康熙甲戌乙亥間有議復者乃中止
焉越十餘年太學生左史輩倡復之輒又止予以
監臨癸巳科試事諸生張元等請復於予四月工
興明年五月竣士皆以試於會城為宜乃記之曰
事難成而易毀也苟非其人之賢且才能力持之
不可動搖烏能轉毀而為成哉當是時制軍長白
赫公隄之則其德於十四郡之士也甚大予因撤
會稽章公秉法太守平陽衛君洪相與力行毋惑
其撤章君從人望也章君於是集其鄉先生及三

庠弟子員之任事者與夫富商大賈之由成均而
來系籍者注名有簿捐金有條而閩海之降將子
弟久於其地弗能遷也資而遣之關地鳩工材甃
具而斧斤施始則巍然而堂成再則遽然而室成
其樓宇則肇而俯其左右个則翼而承主有息而
賓以寧輿陸胥書之所憩廚井之所炊汲廡廟無
缺堂之前則試士東場也坐人以八百計西亦如
之其高下之坐具亦如其人之數他瑣屑者又皆
與焉繚以周垣表以棹楔中則冠以大扉二加圍
楯而護之所謂鎖廳而試者也夫古者士習於學
宮自詩書六藝至於論治論獄出兵授捷之材皆
取於此故人才真而強歌弗輟後世為士者又徒
彫琢於大辭以自見勢不得不廣其地以試其材
然

國家大體必於會城為宜者誠有見於地之不可易
而君子亟亟儲材之意斯為至也若其佳試句曲

歲終舟車徒步以還
寒歲為其小者也

一在句容縣治東南舊書

院址始督學駐省城諸生就試明萬厯二十三年
督學陳某即其地建試院四十年督學熊廷弼復
因舊基重建後學使歲試每駐節焉雍正十二年
總督趙弘恩議令歲科兩試俱駐江寧多士便之
蘇州府試院在崑山縣治東南薦嚴寺左故范石
湖書院明宣德間知縣羅永年建為巡撫行臺後
為督學校士之署

國朝順治初廢十五年提學僉事張能麟重建太倉州

舊屬蘇州府科歲試皆赴崑山今仍其舊附張能

麟記

江南學使者年來更易不常自繡衣持衡則東西院並旣而差復未幾人以金馬代花廳

近侍史臣文雅權衡並隆一時宜其安且久也乃詆臣以各省例議歸憲司

上可其奏選於六曹余謬膺簡命承乏茲役竊念六郡為寓內人文最端本澄源移風

易俗余責也而考經訂藝多士其環聽焉何可無設棘地淮揚則署海陵常鎮則署澄江蘇松則署鹿城由來舊矣鹿城之址在東南隅與位興文育才文筆峯實鍾其靈慨自兵燹而後一望荒烟茂草每當歲科校士或遠調江上或權宜郡學十餘載來無復知有崑之試署者予下車庶得其詳力

以建復為已任躬履其所經畫規模左右為僧俗
所侵者悉闢之石坊縣門班房鼓亭俱如制大門
儀門各五楹儀門外土地祠三間並祀范公示不
忘本也府縣廳三間執簿呼名以恤勞也大堂五
楹前後軒敞高亮川堂聯絡後堂亦以五楹建東
側小屋八間為胥吏書寫地向後則自公門所以
別內外也門內則公衙明三暗五明者為衡鑒堂
時者為息偃地也兩側小構數椽亦可以休從者
量後為旭升樓九楹正五旁四環抱楠然樓東尚
有餘地為小齋五間種植竹木可以節勞小憩也
樓後因牆舊有荷花亭尚可擴充以俟後之君子
經畫甫畢適徐若邦從來視邑事亟屬之暨命邑
廣文王君鯤化張君希哲乃陶乃覽乃匠乃石拮
据綜理自丁酉初夏經始孟秋告成士民來觀者
魯不意其神速至此也嗟乎天下事莫不難於慮
始茲幸始而終矣校士有地諸士可無遠涉之艱

郡宮牆亦永無蹂躪之跡惜寒士而安聖靈此非不龜之經營也徐侯輩請記於余遂授之簡

松江府試院在府治東大街舊察院署始松士歲試赴崑山科試赴江陰跋涉多費

國朝康熙三十八年郡人莫之玖捐資倡買察院後顧氏宅拓而大之諸生捐助創建試院提學張泰交始按臨校士於此

常州府試院在江陰縣大街虹橋東宋元間為澄江驛明初吳良鎮江陰居此萬曆四十三年學使

按部校士拓為督學察院

國朝因之其規制閤敞為江南學使駐劄衙門向歲試常鎮二府科試蘇松常鎮四府皆在此後各府俱建造試院科歲試惟本府生童令下江學使仍駐劄於此

鎮江府試院在金壇縣治南鎮江向無試院府屬生童每科歲俱就試江陰

國朝雍正八年金壇丹陽二邑諸生倡捐建立試院於

自少曰乃公三言
卷九十一
壇邑提學張廷璐始按臨考試

淮安府試院在府治南府學之西即中察院署

國朝順治中改為試院其考場向沿蓆棚雍正二年知
府祖秉圭山陽知縣羅珮教授蔣文元等易以瓦
廠海邳二州向皆附考陞直隸州後亦然十一年
以邳州屬徐州府科歲試改赴徐州

揚州府試院在泰州治東明時本鳳撫軍使院萬
厯間巡撫李三才拓大之

國朝康熙中改為試院以其地當十屬之中故學使按
揚必駐於此四十五年知府左必蕃重修附宮夢

仁記

今之試院昔鳳撫軍使院也撫使者移撤不
常後遂為校士之所每學使者按揚必蒞茲

焉蓋以地當十邑之中道里均而往來便也然傳
舍視之有司不暇顧問而典守者因緣作奸風雨
之飄颻城社之狐鼠日甚一日及此不修無論行
部校士時處非適中則文移期會動需時日而呼
應不前在應校之士舟車跋涉館舍飲食之所費
亦大不貲舍逸就勞既為吾州之士之憂辭近即
遠更為吾郡九屬之士之憂記曰有其舉之不可
廢也歲丙戌會學使者撤至紳士倉皇無所出不
得已創捐修議請於州不得請於府乃得之當是
時東粵左公以清卿之貳

特

旨留刺揚州愛士憐才

於文章尤爲嗜往時童子應府試咸詣郡彙十屬分場如學使者故事於是公止

秦童子勿西九屬既試卜日減從扁舟野次於州之南津扉去一切供帳黎明城扉啟而入集童子於學宮試之畢試而返纔兩日耳諸童子以府試資斧踴躍捐修閭邑紳士欣助之符若干金汪學博姜食判董其事不五旬而既圮之試院煥然改觀矣使其時公亦如州牧不問則紳士之議寢勢必涉江而南後因為例暑雨初寒往返關津道路問其茶茗伊於胡底公益不特爲今日士計且爲士之子若孫計並爲九屬士之子若孫計而更爲吾州億萬戶計何則吾州疊罹水患凋敝已久公謂三年兩試僦居有邸閭之資列肆有奇贏之獲秦之人利可百千焉以三十年之通計則百萬可致也落成之日碑而榜之曰勿毀牆宇勿肆芻牧勿作吏局雜場即往來憲使至止亦必稟命於州

於學院啟疏則著為
全甲而屬余記之

雍正元年知州魏錫祚復修

徐州府試院在府城東門內

國朝康熙五十四年知州卞之鈞姜焯相繼創建為督
學試士之所始徐士赴淮與試遠者往返千餘里
又有黃河之險至是稱便

通州試院在州署東通士舊赴泰州與試

國朝雍正二年州改直隸建立試院學使始按臨考試
安慶府試院在府治東舊察院遺址

國朝順治七年操撫李日芄檄建東西文場大堂捲廳

規制畢備

附

李嵩陽記

皖城自昔稱重鎮其山秀鬱其水瀟蕩其人磊落英

多俗饒魚蛤菰蒲之利習儒術敦詩書然以地介吳楚襟江流而蔽淮服曩昔多事輒先受兵亦形勢然也二紀以來干戈未戢順治六年大中丞培原李公自江上督師兼撫治所屬建圖是邦歷覽四封喟然曰此三分後所云上遊要地也今海內一家治化旁達乃獨為匪民耶於是勤詢民隱得其利病無不為而去之勞來安集流離日還戶口日息既富且教翕然從風郡故有察院歲久侈壞公念諸生就試無地赴調為艱乃親營度鳩工葺治支柱邪傾垣墉塗茨孔曼且碩煥然改觀復闢餘址為堂為軒廊廡周通房閨相次殖殖噲噲從前所無創建瓦廠傑然對峙爽塲高朗列凡八百

如柳如麟多士以字因廩生奮先是皖為用武之區學使者不至廿有餘載矣予自滁陽實始來此所歷泚舒諸境荒遠闕寂俄見車馬絡繹興衛甚衆則公所處况也及就館舍供具帷帳部署井井予因竊嘆公之經營四方調變五緯洪鉅纖悉畢舉不遺類皆若是是可師法也已自是厥後皖之習俗丕變人文殊盛當且度越時曩吾知百世而下猶拜公之賜寧特一時多士式歌且舞哉以庚寅孟夏告成始居之者為黃池李嵩陽因書以示來者俾知所自

康熙十二年知

府姚琅重建大堂四十八年諸生江岱等倡捐拓地徙儀門於南十數武增置號舍雍正十年東西文場為大風所傾頽知府徐士林捐俸並募七學

諸生增建文場東西四十二間又增監視廳三間
於東偏工未竣同知李國相署府篆委懷寧縣教
諭謝有輝監生江巒監工於十一年告成

徽州府試院在府治東元蒙古字學遺址明時建
為察院

國朝康熙二十八年休寧監生黃鳳翼捐資建造棚廠
為試院學使始按臨歲試而科試仍在旌德雍正
三年上下江分兩學使科歲試遂俱在本府試院

歲久朽敝十二年歛人汪濤捐資重建大堂內署
頭門儀門及四圍垣牆并增造樓房為寢息地規
制煥然

寧國府試院在府治西舊為宛陵書院明宣德中
推官尹崇高因故址建正統間知府增修為巡撫
行臺後相沿為憲使往來公館

國朝康熙二十五年宣城知縣袁朝選捐資修建瓦廠
為學使者校士之所先是生童俱赴旌德縣考棚

應試至是便之廣德州無試院其歲科兩試向俱赴寧國府附考今仍其舊

池州府試院在城西街即舊西察院明時建為憲使往來駐節之地學使按臨亦校士其中今尚如故

太平府試院在府城東本東察院明巡按御史駐節處

國朝康熙七年督學按臨遂為試院十年當塗知縣寇

明允修葺久漸圯壞三十四年知縣祝元敏重修
四十四年知縣成文運捐俸重建移儀門前數十
步武場遂寬雍正三年上江學使孫嘉淦大加修
葺增建棚廠駐劄於此後皆因之

廬州府試院在合肥縣學前

鳳陽府試院在府治東即舊西察院明成化間知
府南鵬建

國朝康熙五十三年學使胡潤建東西文場瓦棚

潁州府試院在府城東門內

國朝雍正三年知州李月槎建今陞州為府遂合潁上
霍邱亳州太和蒙城五州縣士子為公試之所其
亳州試院雍正九年建於州治學宮之右而歲科
兩試不復按臨矣

滁州試院在州城內康熙五十年燬於火五十一年
知州溫而遜重建

和州試院在州治振肅坊城隍廟西即察院行臺

舊址

國朝雍正九年署知州曹元夢學正唐德咸募建

六安州試院在州治東大街在宋時為六安軍凡
軍皆立試院故址無考

國朝雍正五年知州李懋仁捐俸倡建弘廡遂密督學
李鳳翥始按臨考試

泗州試院在盱眙縣上龜山

國朝雍正四年建

江南通志卷九十一

欽定四庫全書

江南通志卷九十二

武備志

有文事必有武備自兵與民既分而軍旅之事益
重大江南北上下在昔多雄藩重鎮歷代設險之
法蓋其詳也我

國家於水陸要害營哨塘汛碁布星列尤控制得宜
烽堠無警而士馬飽騰蓋蒐閱訓練者精矣奮武

衛除戎器何待聽鼓聲而思將帥哉自歷代兵制迄於今既核繫之江海之防尤詳焉逮於舟騎若郵政之於陸船政之於水亦附及之為類四為卷七作武備志第五

兵制一

周揚州屬吳楚二國春秋時互相攻於卑梁鍾離潛

巢之間

史記吳楚世家

吳舟師有餘艘

左傳魯昭公十七年楚敗吳師獲其乘舟餘艘吳復敗楚師取餘艘

以有戈船漢書注臣瓚曰伍子胥書有戈船以載干戈因謂之戈船有下瀨伍子

胥書有下瀨船

秦置郡尉掌佐守典武職甲卒漢書百官表

漢踵秦而置材官於郡國漢書刑法志更郡尉名都尉漢書

百官表九江都尉治歷陽今和州沛郡都尉治蘄今宿州南

界臨淮都尉治盱眙丹陽都尉治歙汝南都尉治

汝陰今潁州

又水泉用樓船廬江會稽等郡有樓船又有戈船

有下瀬船

南越列傳元鼎五年詔江淮以南樓船十萬師往討南粵衛尉路博德為伏波

將軍主爵都尉楊僕為樓船將軍故歸義粵侯二人為戈船下瀬將軍

後漢建武六年罷都尉并職太守

後漢書百官表

每有劇賊

郡尉臨時補置

應劭注

七年又罷車騎材官樓船武

帝紀後以刺史領兵馬稱為州將揚州刺史治九江

郡歷陽

後漢書郡國志

三國魏置都督諸州軍事以都督揚州諸軍事治壽

春都督青徐諸軍事治下邳魏刺史亦典兵

杜恕傳恕

議古之刺史奉宣六條以清靜為名今可勿令領兵以專民事後又上疏曰臣前以州郡典兵則不

勤民事宜別置將守揚州刺史治合肥為劉馥傳馥以盡治理之務不報揚州刺史治合肥為揚州刺史

史單馬造合肥後治壽春南齊志壽春淮南一郡空城建立州治後治壽春之會地方千餘里有陂

田之饒北距淮水漢徐州刺史治彭城而居巢新魏揚州刺史所治

城亦命將戍守以備吳滿寵傳寵疏言合肥城南臨江湖北遠壽春賊來攻

圍得據水為勢而官兵往救甚難今城西北三十里有奇險可依宜更立城以固守此為引賊平地

而特其歸路於計為便詔報聽今合肥縣西北三十里雞鳴山北故址猶存

吳都秣陵城石頭道鑑注城石頭吳置宮下鎮都人保江之根本

下督營下督統都下兵

吳志孫韶傳韶子楷天璽元年為宮下鎮驃騎將軍

滕允傳太元元年以允為都下督而凡典兵之職

朱然傳然子蹟以膽力邊營下督

魏志孫權遣將屯歷陽外至濡

有督有監自歷陽

魏志孫權遣將屯歷陽外至濡

須塢呂蒙傳勸權夾水口

謂之江西營適鑑注大

故自歷陽至濡須口皆謂之江西而建業謂之江東

置濡須督張昭傳昭子

督江北廣陵之地置監軍使者

孫亮傳五鳳二年使衛尉馮朝城廣

陵拜為監軍使者又淹北道

孫權傳赤烏十三年遣兵十萬作堂邑涂

塘以淹北道以絕

遇巢湖孫權傳黃龍二年城東

魏兵之宛建業

興

諸葛恪傳建興元年會衆於東興更作大堤左右結山伏築兩城使全端留畧守之後魏分兵

攻兩城城以備魏

不可卒拔

江東濱江兵馬重地則置京

下督

孫韶傳韶子

蕪湖督

她嬪傳徐祚以戰功至蕪湖督

牛渚督

孫桓傳桓督牛渚作橫江塢

虎林督

陸允傳永安元年徵為西陵督後轉虎林

又置

吳郡都督鎮東方

吳書推拜吳奮吳郡都督以鎮東方新都都尉鎮

山越

孫權傳建安十三年遣賀齊平欽立新都郡

吳多舟師而兵有解

煩敢死兩部又有車下虎士

甘寧傳

丹陽青巾

孫皓傳

及健兒

凌統甘寧傳

武射

駱統傳

之名然大率强者為兵

弱者補戶

陸遜傳

陳表賜復新安二百家允表陳讓

還官充精銳料正戶羸民補其處

陳武傳

晉武帝封同姓大國三軍兵五千人次國二軍兵三

千人小國一軍兵千五百人其都督徐揚二州

亦如魏

文獻通考

懷帝永嘉初又分揚州置二督都督揚州江南諸

軍事鎮建業都督揚州江北諸軍事鎮壽春

時以瑯琊

王睿督揚州之江南周護督揚州之江北先是諸州刺史亦領兵太康元

年吳平乃詔州郡悉去兵大郡置武吏百人小郡五十人後以盜賊羣起州郡不能制乃以都督併

任刺史

文獻通考

晉之平吳也舟師最盛作大船大筏

王濬傳濬作大船連舫百

二十步受二千餘人以木為城起樓櫓開四出門其上皆得馳馬往來又畫鷁首怪獸於船首以懼江神舟楫之盛自古未有吳人於江碇要害處以鐵鎖橫截又暗置鐵錐長丈餘濬乃作大筏數十令善水者以筏先行鉅著筏而去又作大炬長十丈大數十圍淮以麻油燃鎖融液斷絕於是船無所碍徑造三山

東晉南渡調兵不出三吳大發母過三萬有大將軍
都督四鎮四征四平之號其諸州刺史任重者為
都督輕者為督或帶四中郎將凡所治之地皆置

州兵

文獻通考

揚州刺史治西州城後治東府城

通鑑

注揚州治在建康臺城西故謂之西州東府在建康臺城東

又嘗出鎮姑孰

孝武

初桓冲

及廣陵之步邱

孝武時謝安加大都督鎮步邱

徐州刺史初

鎮廣陵

以兗州領徐州

後徙鎮京口者四

成帝時郗鑒蔡謨何充以至康

帝時桓冲至太元初王蘊又安帝時劉裕至恭帝

康中桓冲至太元初王蘊又安帝時劉裕至恭帝

時劉廣陵二寧康初刁彛王坦之又太元中謝元淮陰穆帝時荀美下邳

穆帝時荀美都曇各一又分北徐州刺史鎮彭

城彭城三面阻水獨南通軍兗州刺史初治京

口元帝後徙鎮合肥太寧元年彭城泗口太寧二年劉邀金

城康帝時褚裒通鑑注在下邳穆帝時都曇荀山

陽哀帝時盱眙穆帝時褚裒淮陰孝武時各一廣

陵三太寧三年都鑑又孝武時王京口二成帝時

穆帝時褚裒海西時都愔青州刺史初末俱鎮廣陵元帝僞

陵控接三齊其中徙鎮淮陰二元帝時劉隗京口

二孝武時司馬恬王恭安豫州刺史成帝初鎮

譙元帝時祖後徙鎮譙二穆帝時謝奕壽春四元

時祖約穆帝時謝尚馬頭二穆帝時謝尚歷

陽三穆帝時謝尚簡文時桓熙蕪湖二成帝時庾

帝時姑孰二牛渚一穆帝時冀

州刺史或治淮南或治江北并州刺史或居江

南或居江北後徙鎮譙哀帝時又徙鎮山陽安帝

道憐

幽州刺史治三阿

符堅攻幽州刺史於三阿司州刺史元

僞置

治合肥

以上分見列傳

大抵晉之拒劉曜石勒以合肥

淮陰壽陽泗口角城為重鎮其後攻符堅則以長

淮為衝要扼慕容德姚興以彭城為北境藩扞

志

東晉之舟師太尉劉裕破盧循於江

文獻通考安帝義熙六年

循因裕北伐襲建康方艦而下裕還出輕利開艦躬提幡鼓衆軍爭先軍中多萬鈞神弩裕自中流蹙之因風水之勢賊艦悉泊西岸岸上軍先備火萬具悉焚之賊衆大敗

宋刺史仍加都督領兵揚州刺史寄治京師南徐治

京口以近都特重其任

徐治彭城

王元謨表曰彭城南屬大

淮左右清汴表裏京甸捍接邊境城隍峻整襟衛
周固又自淮以西襄陽以北經塗三千達於濟岱
六州之人三十萬戶鍾離東海朐山南兗治廣
常得安全實由此鎮

陵盱眙

兗寄治彭城淮陰

南豫治歷陽姑孰

宣城

豫治睢陽歷陽

青冀二州治鬱州

今贛榆

明帝失淮北僞立青冀二州共一刺史

初以彭城歷城東陽為藩扞

元嘉中伐魏發緣淮三郡兵集盱眙緣江五郡

集廣陵而江南白丁輕進易退以致敗故魏主經
彭城臨江屯瓜步攻盱眙及東陽歷城陷彭城降
而長淮盡為北境矣

通志

齊自泰始以來將帥各募部曲屯建康後從李安請

非淮北常備外餘軍悉皆輸遣若親近宜以隨身

者限人數

文獻通考

諸州刺史亦加都督惟以徐為北

徐兗為北兗以冀治漣口餘治所皆因宗

南齊書州郡志

自宋失彭城諸郡齊淮北之地少但以壽春淮

陽角城漣口朐山為重鎮永元初豫州刺史又以

壽春入於魏

通志

梁諸州兵制亦如齊後務拓境宇頻事經畧欲重其將帥凡鎮戍多置為州

通志

揚鎮建康而徐則分南

北西東鎮京口鍾離渦陽宿豫兗分南北鎮廣陵

淮陰豫分西南南鎮歷陽合肥壽陽姑孰西鎮晉

熙青分南北鎮鬱州贛榆又共鎮招遠

今海州

而又

廣設淮譙武安睢潼潁仁義霍合秦涇十三州分

鎮淮陰譙城歸政

今邳州

定遠竹邑

今宿州

取慮

今虹縣

汝陰赤坎

虹縣西南

安豐岳安

今六安州

合肥尉氏

今六合

沛

而譙又鎮新昌分南譙鎮南譙城

分見本紀列傳

蓋屢與

魏軍交戰於淮之南北尅宿遷合肥翟邱朐山彭

城壽春等郡南朝之境幾復然旋得旋失及景平

後江以北悉入於齊其初大抵以硤石

汝陰郡下蔡

合

州鍾離淮陰朐山為重鎮

通志

梁韋叡以舟師破魏於淮

韋叡傳魏人於邳陽州兩岸為兩橋立柵數百

步跨淮通道敵裝大艦使太守馮道根等為水軍
會淮水暴漲敵即遣之聞艦競發臨魏壘以小船
載草淮以膏焚其橋風怒火盛水又漂疾倏忽之
間橋柵盡壞道根等身自搏戰軍人奮呼無不一
當百魏王僧辨破侯景於江王僧辨傳景命侯子
人大潰至姑孰子鑒帥步騎萬餘人於岸挑戰又以鵠舫
千艘載戰士僧辨令細船退縮留大艦夾泊兩岸
子鑒之衆謂將退爭趨之大艦斷其歸路

陳初已失淮但以江為境大建中伐齊屢捷淮南之
地盡復後敗於周而江北之地又盡沒通志其刺

史都督所鎮惟不置東西徐淮武睢潁秦涇寶增

司晉江吳四州鎮黃城晉熙南陵吳郡以豫鎮壽

陽北譙鎮盱眙安鎮宿預義鎮尉氏餘悉如梁本

紀併通鑑胡注

陳之舟師周文育敗徐嗣徽於七磯周文育傳嗣

江據蕪湖帝詔文育還都嗣徽等乃列艦於青墩

至於七磯以斷其歸路及夕文育鼓譟而反攻之

嗣徽駭將鮑珩獨以小艦殿文育乘軍舫艦侯瑱

跳入珩艦斬珩仍牽其艦而還賊衆大駭侯瑱

敗王琳於蕪湖

江南道志

十

夕東北風吹其艦並壞琳入浦以鹿角繞岸不出

時西魏將史寧

璠其流琳率船東去蕪湖十里

而泊填令軍士晨炊蓐食頓蕪湖洲尾以待之乘東南風縱火章昭達以大艦中江而進大敗之

後防戎船艦悉還都下江中至無一隻故隋軍渡

江而平之

通志

後魏於晉世起代迨獻文天安元年宋薛安都以彭

城附遂有淮北之地宣武景明元年齊裴叔業

以壽陽降又得淮南之地至東魏孝靜武定中

乘間畧地盡取江北郡縣

通志

初置州都督總軍

人後以刺史為當州都督

北齊書高隆之傳

蓋魏仿周典

置六軍刺史以農隙教之合為百府每府一郎將

主之分屬二十四軍開府各領一軍大將軍凡十

二人統二開府一柱國主二大將軍復加持節都

督以統馬

文獻通考

其刺史在江淮間者徐治彭城

南兗治譙城南徐治宿豫

東魏改為東楚州

海治龍沮

東魏

置潁治汝陰東徐治下邳渦治渦陽

魏置渦州及渦陽東魏改

譙州楚治鍾離合治汝陰霍治南陳睢治取慮譙治

新昌揚治壽春淮治懷恩仁治己吾

即赤坎

東揚鎮

東城

魏以其地在壽春之東故置東揚州

東徐鎮團城

以上見魏書地形志

其鎮都大將亦稱鎮將在江淮間者彭城鎮將梁城鎮將汝陰鎮將絳城鎮將梁國鎮將又置行

臺節度軍事徐州行臺鎮彭城亦曰東道行臺又

曰東南道行臺

魏於彭城立東南道行臺

後齊畧梁地南際於江刺史仍為都督總當州士馬其不同魏者無南徐東揚潁渦譙淮而增置東廣東楚潼秦江和涇七州鎮廣陵宿豫夏邱瓦梁晉

熙歷陽石梁以仁鎮蘄州鎮隄陵東徐鎮下邳餘

如魏

以上惟涇宜二州見北齊書潘梁魏愷二將餘並載道鑑注齊所有六十州內

三

等鎮置鎮將三等戍置戍主

隋書百官志

其鎮將在

江淮間者有盱眙鎮將蘄城鎮將海西鎮將其

行臺在淮北者東南道行臺在淮南者壽陽道行

臺

後周改都督諸州軍事為總管其授總管刺史則加

使持節諸軍事以督軍戎其總管刺史在江淮

間者徐鎮彭城南兗鎮譙後改為亳

譙郡舊置南兗州後州置

總管府後改曰亳州

泗鎮宿豫

下邳郡後周曰泗州

揚鎮壽春

淮南郡後周曰

揚州吳鎮廣陵

江都郡後周曰吳州

又宋州刺史鎮晉陵

後周改齊

澶州為宋州縣曰晉陵

邳鎮下邳方鎮尉氏

後周改齊秦州曰方州以上見

隋書地理志

隋州置總管者列上中下三等總管刺史加使持節

隋書百官志

楚州總管鎮淮陰

開皇元年以賀若弼為楚州總管

盧鎮

廬江

開皇元年以韓擒虎為廬州總管八年伐陳韓擒虎出廬江

壽鎮壽春

開皇

九年壽州置總管府徐鎮彭城吳鎮江都揚州大總管亦鎮

江都開皇十二年以楊吳為吳州總管二十年以字文敬為吳州總管又開皇九年以晉王廣

為揚州總管鎮江都時楊吳出除吳州總管詔令吳每歲一與王相見以上見隋書地理志

大業三年改州為郡復置太守別置都尉副都尉

領兵與郡不相知

隋書百官志

隋伐陳楊素造戰艦最盛楊素傳其大艦名五牙上起樓五層高百餘尺

左右前後置六拍竿並高五十尺容戰士八百人次曰黃龍置兵百人自餘平乘舳艫各有等差素親帥數千艘銜枚而下旌甲曜日素坐平乘大船容貌雄偉陳人望之皆懼曰清河公即江神也

唐武德初因西魏周隋之制析關中為十二道置府
兵以驃騎車騎兩將軍領之後改曰統軍曰別將
貞觀十年更號統軍為折衝都尉別將為果毅
都尉諸府總曰折衝府分天下十道置府六百二
十四皆以隸諸衛淮南道置府凡六江南道置
府凡二揚州府兵曰江平曰新林曰方山曰邗江
和州府兵曰新川又唐初兵之戍邊者大曰軍
小曰守捉曰城曰鎮而總之者曰道軍城鎮守捉

皆有使而道有大將一人曰大總管

唐書兵志

改總管

曰都督總十州者曰大都督

唐書百官志注

其餘都督帶

使持節謂之節度使總軍旅顯誅殺

又有防禦

使都團練守捉使

唐書百官志

其都督之在江淮間

者揚州大都督府鎮江都中都督府鎮壽春徐州

鎮彭城

貞觀十年元禮

舒州鎮懷寧

武德八年張鎮周

其軍則

有丹陽江寧長洲采石崇德諸軍使其鎮則有鵠

頭石頭常州蘇州諸鎮將又有下蜀淮安采石諸

戍主皆統於都督府 其節度使則有河南節度

使鎮徐州

乾元二年置

淮南西道淮寧軍節度使鎮壽

州

乾元二年置

徐泗濠三州武寧軍鎮徐州

貞觀四年置

徐

泗感化軍治徐州

咸通十年置

淮南節度使治揚州

至德

元年置

浙江西道鎮海軍節度使治昇州

乾元元年置

宣

國軍鎮宣州

大順元年置

其都團練使防禦使則有

徐海沂密都團練觀察使治徐州

建中三年置

又徐

州團練防禦使治徐州

咸通三年置

浙江西道觀察處

置都團練守捉使治蘇州

乾元二年置

宿泗等州

咸通三年

置宣歙池等州

大歷元年置

壽州

建中四年置

都團練觀察

使治宿州宣州壽州

後藩鎮擅命所在置將攻

守常州

光啟三年杜稜

潤州

光啟二年阮結

池州

文德元年陶雅

濠州

天祐

時劉金

舒州

天祐時劉存

團練使鎮晉陵丹徒秋浦鍾離

懷寧泗州防禦使鎮臨淮

乾寧時臺濠

海州戍將駐胸

山

光化時陳漢賓

又有漣水

光化時江王綰

高郵

光啟三年張神劍

狼

山

乾符時王郢

六合鎮遏使

光啟時徐約

蘇州常熟鎮使

乾寧

時陸
郢

五代江淮之地歸版籍者僅四五州多設重鎮徐州

武寧軍節度使鎮彭城

梁乾化元年福王友璋唐同光二年李紹榮晉天福

二年吳巒漢劉贊周廣順元年王彥超顯德元年王宴

淮南節度使鎮廣陵

周顯德三年向訓

忠正保信二軍節度使鎮壽春

周顯德四年楊

信合肥

周顯德五年趙匡贊

亳賴二州防禦使鎮譙

周顯德四年郭

廷汝陰

後漢何福

亳賴宿三州團練使鎮譙

梁寇彥卿南唐李重

吉汝陰

後唐李承約

符離

周顯德四年范再遇

其間割據土疆

者凡十有餘國而江南之境南唐吳越亦皆多設

節度及軍監之使 鎮海軍節度使大都督府鎮

潤州

吳以鎮海節度使徐溫為管内水陸馬步諸軍都指揮使兩浙都招討使鎮潤州南唐以

東都留守燕王弘冀為宣潤二州大都督鎮潤州後以齊王景達為浙西道元帥潤州大都督又

移鎮金陵

徐溫移鎮海軍治所於昇州改昇州大都督府為金陵後徐知誥為鎮海寧國

諸軍節度使鎮金陵靜淮永泰保信清淮定遠寧國康化中

吳諸軍節度使鎮泗州

吳朱瑾

舒州

南唐元宗時孫晟馬希崇

廬

州

南唐昇元六年周鄆

壽州

南唐昇元六年姚景保大四年劉彥貞

濠州

南唐劉重

進宣州

吳徐知誥

池州

南唐昇元二年揚連三年王彥傳

蘇州

吳越傅璪以上

五代史職方考

又有昇州防遏使治上元

徐知誥

歙州都

團練使治歙

吳陶雅

楚滁舒壽海泰潤常池蘇諸州

團練使治山陽

吳武義元年廬江公濛南唐何敬

清流

南唐郭廷謂

懷

寧

吳武義二年徙公濛

壽春

吳崔太初

朐山

吳徐景

海陵

南唐荆罕儒

丹

徒吳王武進

南唐姚鳳

貴池

吳陳璋

吳

吳越沈襲

濠州觀察

團練使治鍾離

南唐劉彥貞

廬州觀察使治合肥

吳劉威

宣州觀察制置使治宣城

南唐李遇

蘇州制置使治吳

吳越
沈某

其軍監則有雄遠

舊為當塗縣南唐置江
新和州後改雄遠軍

陰

吳以唐晉陵郡之
登州置江陰軍

二軍使建武軍

昇元六年改
揚州天長制

置使為
建武軍

連水軍

後唐長興元年連水
靜海軍以海

陵東境置靜
海制置院

三制置使又有廣德鎮遏使

吳遣宣
州副指

揮使花虔將兵會廣德
鎮遏使溫信屯廣德

五代之舟師周最稱雄敗唐於濠泗

文獻道考顯
德三年攻壽

州唐大發樓船泊濠泗周師不利唐將林仁肇載
薪蒸乘風縱火將焚浮梁周將張永德使習水者
縻以鐵鎖急引輕舟擊於淮
之溺者甚衆奪艦數十
文獻通考四年帝於
京城汴水側開池造

數百艘招誘南卒教習數月命大將軍王環將數
千自閩河沿潁入淮帝騎循北岸諸將循南岸水
軍自中流而下唐兵戰溺及降者殆四
萬人獲戰船糧仗十萬數遂克壽州 於渦口獻
通考帝攻濠州唐人也戰船數百於城北植大木
於淮水以限周兵帝命水軍拔其木焚其艦七十
餘艘又聞唐有數百艘在渙水東欲來救遂夜發
兵水陸並擊大破之於渦口克泗州又唐有數百
艘泊渦口上自將親軍自淮北進命太祖自淮南
進水軍自中流進且戰且行追至楚州大破之所
獲於燒沉之餘尚三百餘艘唐 直達於江文獻通
鑑之戰船在淮上者於是盡矣 直達於江考五年
上欲自淮入江阻北神堰不得渡乃鑿楚州西北
鶴水以通其道巨艦數百艘皆達於江唐人大驚

宋仍置節度使都督防禦團練使以統軍 厥後增

置不一則有淮南及壽春等州宣撫使掌撫綏邊

境統護將帥督視軍旅

紹興時呂頤浩朱勝非劉光世李光張浚

淮

東總領淮西總領掌措置諸軍錢糧預聞軍政

淳熙

二年詔揚州廬州兩路每路委文臣一員充安撫使以治民武臣一人充都總管以治兵

府

州軍監總管鈐轄司掌治軍旅屯戍營房守禦之

政令

建炎初詔要郡文臣一員帶本路兵馬鈐轄武臣一員充副鈐轄次要郡帶本路兵馬都

監武臣充副都監

路分都監掌本路禁旅屯戍邊防訓

練之政令

建炎初分置帥府以諸路帥臣兼要郡守臣帶兵馬鈐轄次要郡帶兵馬都監

並以守臣為之副稱副總管副鈐轄副都監

諸軍都統制副都統制

建炎初置都統制後建康鎮江府池洲及平江許浦水軍皆除都統制權任在帥臣右乾道三年命江上諸臣各置副都統一員其時江淮間鎮戍

者京東西路則彭城

徐州大都督府武寧軍節度使

京西路則汝

陰

順昌府

兩浙路則吳

平江府

丹徒

鎮江府

淮南

東路則江都

揚州大都督府領兵馬鈐轄

譙亳州集慶軍

符離宿州保靜

軍山陽

楚泗水州連水軍鎮撫使

朐山

海州團練使

海陵

通泰鎮撫使

清

流

滁濠鎮撫使

淮南西路則壽春

壽春府忠正軍

合肥

廬州保信軍領

兵馬
鈴轄

歷陽

和州防禦使

懷寧

安慶府德慶軍

鍾離

濠州團練使

江南

東路則上元

江寧府建康軍領兵馬鈴轄

宣城

寧國府寧國軍

貴池

池州

安撫使

其軍監則有知常州通州太平州徽州諸

軍事江陰建安連水招信

建炎三年升軍

淮安

咸淳七年置

六

安

政和八年升縣為軍

無為

太平興國元年以廬州巢縣無為鎮建為軍

鎮巢

景德

三年升巢縣為鎮巢軍

廣德諸軍監

太平興國四年以宣州廣德縣為軍以上宋

史地理志

宋兵制有三一曰禁軍天子之衛兵建炎

元年詔諸州選所部兵送闕下補闕後多增募各

營於本州每指揮以五百人為率其指揮之在江

淮間者有廣捷軍

亳州二州各二

龍騎軍

州各二

武衛軍

徐州勇捷軍

壽州宿州二

忠節軍

亳州二州各二

歙太平廣

歸遠軍

各二

宣毅軍

徐州揚亳各二

海舒秦濠和通無為高郵連水江寧蘇潤常各一

熙寧以後制廣捷軍

州

一永宣毅軍

徐州揚亳二廬宿壽楚真泗海舒秦濠和通無為高郵連水各一熙寧三

年宿揚廬壽楚真泰泗一併隸教閱忠節各為一海舒濠和通無為高郵連水各一闕弗補江寧撥

隸威果雄畧蘇潤各一皆改威果常存各一不充

威果軍

江寧揚

勇捷軍

壽宿毫
各一

忠節軍

毫永城各三江寧揚廬宿壽楚
真泗泰滁池太平宣廣德各一歸

遠軍

毫壽宿
各一

其一曰廂軍為諸州之鎮兵或一軍

之額分隸數州或一州之管兼屯數州皇祐中募

流民為兵分置徐州淮揚等軍征役同禁軍熙寧

中併省諸軍名額淮南曰寧淮兩浙曰崇節江南

曰効勇元豐中治諸路教閱廂軍於下禁軍內增

八指揮名額排連並同禁軍其將校則有馬步軍

都指揮使副都指揮使都虞侯在江淮間者為馬

軍騎射

京東路徐州

威邊

徐州淮南

武勝

濠

揀中騎射

淮南路揚廬壽宿泗真濠海通和舒滁

連水高郵無為江南路宣太平池廣德

平難

濠

開

遠揚楚

六奇

楚靜海

徐淮

水軍

淮南路揚廬壽海

和泰楚舒泗連水

高郵無為江南路江

壯武

淮南路揚廬壽海和

寧

宣歙太平池廣德

通楚泰舒滁高郵

寧

淮賴靜勝

揚寧順

廬旌勇

壽

備邊

泗

三捷

滁

寧化

舒保節

淮南路舒江

効勇

江寧

裏運

江寧

廣濟

壽陽

宿高

郵連

崇節

蘇

水軍

奉化

泰

雜作都

壽

裝發

真泗

城泗

東南道

巡海

水軍

教閱

澄海

捍手

常

右衙

徐車軍

真楚泗

鹽車

真泰

新招梢上

真泗拔頭水軍

務蘇捍海

泰道

建炎後禁廂兵為威果

平江鎮江

全捷

平江鎮江

雄節

平江常鎮江江寧

武衛

江鎮江威捷

忠節

平江鎮江武雄

寧國

廂兵為寧淮

在淮

崇節

平江鎮江陰

開江

平江橫江

江平

其一曰鄉兵由選募團練以為所在防守有鄉

兵巡社

建炎元年詔諸路州軍巡社並以忠義巡社為名隸宣撫司後募鄉民為之勇

敢

紹興二年詔池州就招土人充二千為額

壯丁民社

乾道四年

鎮淮

初淮南募邊民號鎮淮軍數至十萬嘉定初選汰歸農僅存八千餘人以充効用餘補鎮江大軍淮

西選二萬六千餘充御前定武軍分為六軍軍設統制

又有砦兵平江府八

吳長平望許浦福山白茅江灣楊林內頭

江陰軍二

申港石牌

又有將兵以

三千人戍揚州及江寧府後遂團結軍士置將分

領

東南路諸軍共十三將自淮南始東路為第一西路為第二兩浙東路為第四江南東路為第

五

高宗開元帥府諸將兵悉隸焉後諸將兵浸

盛因時制變屯無常所劉光世軍或在鎮江池州

太平韓世忠軍或屯江陰岳飛一軍或屯宜興蔣

山乾道之末各州有都統領軍

建康五萬池州一萬二千鎮江四萬

七千楚州武鋒
軍一萬一千
分屯列戍增損靡常

宋代水軍之制南渡以後愈盛沿河江淮帥府各
置水兵二軍要郡別置水兵一軍次要郡別置中

軍號曰凌波樓船軍又有鎮江置劄御前水軍乾道

三年招三百人淳熙江陰水軍乾道四年平江許
五年招千五百人淳熙

浦水軍乾道七年七千人池州都統司水軍淳熙

元年千人嘉定太平州采石駐劄御前水軍嘉定
中增置三千人

年五建康都統司靖安水軍原隸都統司嘉定通州
十人定中諫節度

水軍

乾道五年置

池州清溪雁汊控海水軍

建炎四年置一千五

百兩淮水軍

紹興元年置二千人以上文獻通考

附錢之望條

三邊戰守事宜疏畧

揚州有三城三塘楚有大小清河淮東恃此為扼敵來處

足矣敵設乘虛自昭信盱眙抵淮陰不一日薄揚州不二日由滁真遁秦亦經至江上彼兩路何獨不然陛下可無令韓琦范仲淹者通一路險易熟議之乎且卒餓財匱兵少今日之大患也然而卒欲飽則財愈乏矣財欲無乏則減兵且不暇其何以增耶若兵自耕民自戰沿江諸軍各擇地分內開田種之而民兵外弩手用一法給器械較精惰畧計可十五萬與屯田大兵相參此三路之郭郭也昔韓世忠在鎮江張浚在建康淮東西便為屯分大儀天長昭關柘皋敵來則戰豈有定所三路

助之所向克捷近諸郡修城築堡遣兵更戍犬牙
占認尺寸之外秦越自分如是則誰肯出力會戰
於要害之地耶臣觀諸軍氣習今昔頓殊昔欲戰
不欲守今言守不言戰馴致疲懦十年之外雖守
不能矣陛下幸詔諸將復紹興屯名使如世王綱
忠浚鞏苦戰立勲庶幾無令消磨坐視相盍汪綱
兩淮預備疏畧

淮地自昔號財賦淵藪西有鐵冶東富糧樞足以自給淮右多山淮

左多水足以自固誠能合兩淮為一家兵財通融
聲勢合一雖不假江浙之力可也祖宗盛時邊郡
所儲足支十年慶歷間中山一鎮尚百八十萬石
今宜上法先朝令商旅入粟近塞而算請錢貨於
京師入粟拜爵守之以信則輸者必多邊儲不患
不豐州郡禁兵本非供役乃就糧外郡耳今不為
戰鬪用乃使之供力役緩急戍守倚大軍指日
待更不諳風土宜若土兵生長邊地墳墓室家人

自為守耶當精擇伉壯廣其尺籍悉隸御前軍額分學券結以助州郡衣糧之供又率如山陽武鋒軍制則邊面不必抽江上之戍江上不

必出禁衛之師生養休蕃勞費俱息

金地南際於淮建節鎮設防禦亳州集慶軍節度使

鎮譙宿州保靜軍節度使鎮符離徐州武寧軍節

度使鎮彭城泗州防禦使治淮平

淮平舊盱眙縣明昌六年以宋

有盱眙軍故名

正隆四年造戰船於通州五年遣都水監徐文等率舟師九百浮海討東海縣民張旺詔曰朕志不

在一邑將試舟師耳

續文獻通考

元兵制盡改遼金之舊有征伐之事則置行樞密院

或

缺

曰行院淮南江北行樞密院鎮揚州

至正十一年置

後徙治建康

二十八年徙

江淮等處行中書省大都督

府治揚州後移治建康

至元十四年置二十四年徙

有宣尉司

掌軍民及邊陲軍旅之事或兼都元帥府淮東道

宣尉司治揚州

至元十五年立十九年省二十一年復立

淮東等處宣

尉使司都元帥府治天長

至正十五年置統帥濠泗義兵萬戶府置司於

泗州天長縣

其監臨東南諸省統制各路軍馬曰行

御史臺

至正十二年命右丞相托克托總制諸路軍馬即軍中加太師

其鎮守各

路者曰萬戶府列為上中下三等所管軍上府七

千之上中府五千之上下府三千之上各置達魯

噶齊一員萬戶一員典兵至元間改江淮江西元

帥招討司為萬戶府蒙古漢人相參作三十七翼

在江淮間者宿州高郵沿海上海戶府邳州真州

中萬戶府常州鎮江潁州廬州亳州安慶路江陰

水軍淮安壽春揚州泰州松江鎮江水軍建康下

萬戶府後以揚州建康鎮江三城跨據大江人民

繁會置七萬戶府至元二十年置又有宿州義兵萬戶

府至正十四年置添設兵馬司都指揮等於徐州至正十年置

軍戍則有海州東海四千人至元十二年置廬州三千

人至元十二年詔以巴延阿珠所調揚州蒙古軍

千人至元二十年留戍以

至元中以軍萬人隸江浙行省習水戰又以征日

本船運糧江淮及教軍水戰又勅習泛海者募水
工至千人為千戶百人為百戶又擇瀕海沿江要

害二十二所分兵閱習伺察諸盜

續文獻通考

附余

闕論兩淮利害狀疏

奉聖旨楊存中等採訪到淮南西路事宜欲廢廬州并管

下四縣以附舒州徙和州於東關并改和州為歷陽縣而合肥歷陽二縣并升軍額仍各差兵將屯戍臣竊謂朝廷欲併省移易州縣之意令侍從臺諫看詳大要不過有三一曰據形勢要害以禦寇二曰酌道里遠近以便民三曰減官吏浮費以足用今據存中等所申欲廢廬一郡四縣之地以附益舒州則是舍形勢而就僻陋如備禦何欲舉虛一郡四縣之民而供輸帥府則是舍近便而趨險

遠如綏撫何今兩淮經兵火之後城郭室廬焚燬
戶口牛畜散亡見雖招集猶未復業帥司欲行措
置茫若捕風無所用力今遽移郡置堡勅建官府
豈無騷動謂之省費得乎即此三者無一可行然
參酌事宜權衡輕重緩急先後當有次第今所甚
急莫若以戍兵為首屯田次之修堡以控要害又
次之蓋州郡無兵則不可為守百姓無兵則不敢
安業如廬之合肥和之濡須皆昔人控扼孔道魏
明帝嘗云先帝東置合肥南守襄陽西固祁山敵
來輒破於三城之下蓋地有所必爭也而孫權築
濡須塢魏累攻不克守將如甘寧等常能以寡制
衆蓋形勢之地攻守百倍宜有昔人得之可以成
功而今日有之反棄不問非良策也伏望朝廷特
於沿江量遣將校及兵一二萬人早為經畫分成
二州使壘壁相望足為沿淮一帶聲勢以絕窺伺
然後廣開屯田使兵民雜耕仍修築東西關之險

以備固守其餘就募弓箭手之屬以次施行無不可者況閭閻須粟湖之水上接店埠下抵江口可通漕運則二州之戍兵與就食沿江初無少異而舒卷之間成效相達欲乞朝廷參酌施行

宋

文瓚論守江戍將疏畧

江陰通泰為江之門戶而鎮江真州次之國初設萬

戶府以鎮其地今戍將非人致賊艦往來無常集慶花山賊凡三十六人官軍萬數不能進討反為所敗後竟假手鹽徒雖能成功豈不貽笑遠近宜亟選智勇以圖後功不然則東南五省財賦恐非我國家有矣

明統兵之制大畧有三一為都督府一為鎮戍將領

一為督撫兵備

初立大都督府設內外衛所及各都指揮使司後
又分大都督府為五府隸外衛於都司而都司及
內衛各以其方隸五府惟親軍不屬 南京五軍

都督府所屬衛所則有留守左衛鎮南衛水軍左

衛驍騎右衛龍虎衛英武衛龍虎左衛屬左軍都

督府

本府所屬衛仍隸京師左府

虎賁右衛留守右衛水軍

右衛武德衛廣武衛屬右軍都督府

本府所屬衛仍隸京師右

府

留守中衛神策衛廣洋衛應天衛和陽衛牧

馬千戶所屬中軍都督府

本府所屬衛仍隸京師中府

留守

前衛龍江左衛龍驤衛飛熊衛天策衛豹韜衛屬

前軍都督府

本府所屬衛仍隸京師前府

留守後衛橫海衛

鷹揚衛興武衛江陰衛屬後軍都督府

本府所屬衛仍隸京

師後府

又有中都留守司轄衛八曰鳳陽曰鳳陽

中曰鳳陽右曰皇陵曰留守左曰留守中曰長淮

曰懷遠所一曰洪塘

現在今鳳陽府

蘇州府衛三蘇州太

倉鎮海所二吳淞千戶崇明千戶松江府衛一金

山所三淞江千戶青村千戶南匯嘴千戶鎮江府
衛一鎮江揚州府衛三揚州儀徵高郵所三興化
千戶泰州千戶通州千戶淮安府衛三淮安大河
邳州所三海州千戶東海千戶鹽城千戶廬州府
衛二廬州六安安慶府衛一安慶太平府衛一建
陽寧國府衛一宣州徽州府衛一新安和州衛一
潘陽右滁州衛一滁州徐州衛二徐州徐州左皆
隸京師中軍都督府

其鎮戍將領總鎮一方者曰鎮守一路者曰分守
守獨守一堡一城者曰守備與主將同守一城者
曰協守其總鎮或掛將軍印或不掛印皆曰總兵
次曰副總兵又次曰叅將又次曰遊擊將軍 南

直隸狼山提督副總兵駐通州

嘉靖三十七年設水路自瓜儀周家

橋掘港直抵廟溪雲梯關陸路自通泰淮揚天長直抵鳳泗各叅將守備把總等官悉聽節制鎮

守江南副總兵駐吳淞

舊係總兵官駐劄福山港復移駐鎮江後復駐鎮江

儀徵兩處嘉靖八年裁革十九年仍設二十九年又革三十三年仍設為副總兵官駐金山衛四十

三年改駐吳淞
管江南水陸兵馬
分守徐州叅將駐徐宿隆慶四年自睢

陳叅將改所轄徐州武平曹濮睢陳等處地方兵
分為三營徐州一營宿州一營歸德一營運糧行

駐徐州以保運道永合駐宿州
以防陸路春駐歸德以防竊發
金山叅將駐金山

舊以蘇州叅將駐金山防禦沿海柘林青村南匯
川沙一帶後改遊擊萬厯二年改設以劉家河叅

將移
劉家河遊擊將軍駐崇明
舊係叅將駐金山
萬厯二年改設以

金山遊擊
移駐崇明儀徵守備駐儀徵江口
專管江北備安
倭捕盜事務

慶府守備駐雷港
鹽城守備駐邳州
舊係叅將
嘉靖四十

三年改設無事駐劉
邳州有事防守鹽城
泗州守備駐泗
嘉靖三十七
年添設萬厯

二年令專一
防護陵寢

掘港守備駐掘港

舊設把總嘉靖
三十六年改設揚

舍守備駐揚舍

舊設革萬歷十三
年復設哨守海口

鳳陽軍門中軍

官駐淮安

嘉靖四十年設

把總十三員俱駐劄本處川沙

堡

嘉靖三十九年設
山衛千戶一員防守

拓林堡

嘉靖三十九年
設撥金山衛千

戶一員
防守

劉家河

嘉靖三十九年設

荻港

萬歷三年設
統建陽一衛京口

圖山

嘉靖三十年設

福山港周家橋東海

俱嘉靖三十三年設
大河

口

嘉靖三十七年設
鹽城把總移駐於此

狼山水兵

嘉靖三十九年設
遊兵

萬歷三年設
山至圖山與通泰合兵巡哨

中山鎮
萬歷七年設

提督漕運鎮守淮安總兵官駐劄淮安其總督巡撫操江兵備以文臣監督總督舊稱軍門而巡撫皆贊理或提督軍務操江專督巡江其按察司官整飭兵備者或副使或僉事或以他官兼副使僉事沿海者稱海防道兼分巡者稱分巡道兼管糧者稱兵糧道總理糧儲提督軍務兼巡撫應天等

府地方駐江寧徽安池兵備道駐池州

管轄徽州安慶池州

三府又建陽宣州安慶各衛所提防江賊礦徒

寧太廣兵備道駐寧國

管轄

寧國太平二府廣德蘇松兵備道駐太倉整飭蘇州松江

二府兵備兼理常鎮兵備道駐江陰整飭鎮江常州二府兵備

兼理糧儲總理漕運兼提督軍務巡撫鳳陽等處水利農務

兼管河道駐淮安潁州兵備道駐潁陽管理廬州鳳陽滁州地方

衛所兼管淮揚海防道駐泰州整飭淮揚海防江洋仍分管揚州儀


徵高郵等衛泰州鹽城徐州兵備道駐徐整飭徐宿等處

兵備兼管淮安府徐州及淮北衛所及淮安邳州大河徐州沂州等衛莒州東海西海等所京操官

軍又有中都領班都司四員春班二員秋班二員

凡江南額設官軍十一萬二千一百六十七員名
召募軍兵七千一百四十九名

其戰船額設沿海每衛五十隻新江口一百三十
一隻



江南通志卷九十二